

საპრეზიუმელო

ეროვნული
ნიუსლითიკა

საორტული გაზეთი

საგზაბათი 13 ივლისი 2004 №159 (2180)

ფასი 50 თეთრი

ქართული ფეხბურთსა

დღეს თბილისის „დინამო“ ბელარუსში ჩაფრინდება, ზეგ კი ბორისოვოს ბატეს ესტუმრება — ჩვენი საკლუბო ფლაგმანი ახალგაზრდა მწვრთნელითა და მეტწილად ახალგაზრდა ფეხბურთელებით შეერკინება ასევე ახალგაზრდულ ბატეს. გახსოვთ, რა მოხდა 2001 წელს? 0:4 ბატესგან და ახლა „დინამომ“ იმ წყენისა უნდა მოჰკითხოს ბორისოვოელებს.

დღეს საქართველოს ჩემპიონი „ვიტ ჯორჯია“ ერთხელაც ივარჯიშებს და ხვალ ცხრა მთა-ზღვის იქიდან ჩამოსულ „ჰაფნარს“ დაუხვდება, ნახევრადპროფესიულ ფარერულ გუნდს და ვიტელთა მწვრთნელი მერაბ კოჭლაშვილი ამბობს, ფარერელებს თბილისში უნდა მოვუთავოთ საქმეო.


დღესვე „თბილისი“ საგანგებო პრესკონფერენციას გამართავს — ევროსარბიელის ზეგინდელ დებიუტანტებს მეტოქედ აზერბაიჯანული „შამქირი“ ელით.

მოკლედ, ქართულ გუნდებს სეზონი უკვე ეწყებათ, ხოლო ეროვნულ ჩემპიონატში რამდენი გუნდი ითამაშებს, ჯერაც დანისლულია...





გაგზარდა... დეფდარჩიანი კოჭლაშვილი საერთაშორისო?

გადარი კაშილაშვილი ფოტო



გურამ დულავაშვილი ფოტო



დაქოქე, რაიუნ!

საფრანგეთის ფეხბურთის ფედერაციამ ევროჩემპიონატის დასრულებიდან ერთი კვირის თავზე ჟაკ სანტინის შემცვლელი მოძებნა. მწვრთნელობის კანდიდატებად ჟან ტიგანას, ლორან ბლანს და 21-წლამდელთა ნაკრების თავკაც რაიმონ დომენეკს ასახელებდნენ. ფედერაციის პრეზიდენტმა კლოდ სიმონემ 52 წლის დომენეკი არჩია, რომელსაც ახალგაზრდულ გუნდში მუშაობის ათწლიანი გამოცდილება აქვს. მის ხელში გაუვლიათ ზიდანს, ანრის, ტრეზეგეს, დიუგარის, სილვესტრს, ლუი საას და სხვა ცნობილ ფეხბურთელებს. დომენეკი თავად ღონიერი და ხისტი ფეხბურთელი ყოფილა. მას საფრანგეთის ჩამქრალი ნაკრების ხელახლა დაქოქვა მოუწევს.

უეფას თასი 2004-2005

UEFA CUP პირველი საკვალიფიკაციო ეტაპი. პირველი მატჩი

ბორისოვო. 15 ივლისი. საძაღბო სტადიონი. 18.30 საათი

ბატე - დინამო

მსაჯები: სტენ კალდა, ედუარდ როზოვი, დმიტრი ვინოგრადოვი (ყველა ესტონეთი)

დღეს თბილისის „დინამო“ ჩარტერული რეისით მინსკში გაფრინდება, საიდანაც ბორისოვო ახლოსაა — „დინამომ“ ეს მარშრუტი სამი წლის წინაც გაიარა, მაშინდელი 0:4 ძნელად დასავეინყებელი ამბავია, მაგრამ ახლა „დინამოს“ რევანშის ჯერი უნდა იყოს.

გუშინ ვიკტორია ვანერთნილია „დინამომ“ დილმის ბაზაზე საღამოს ივარჯიშა. სანამ ფეხბურთელები მინდორზე გავიდოდნენ, უურნალობით სალაპარაკოდ მოიცალეს, ხოლო ივარჯიშის დასრულებული გახლდათ. ბელარუსში გამგზავრების წინ დინამოელებმა გვიტხრეს, რომ...

დინამო იმედზეა



მურაშვილი/სპორტის ფოტო

პროფლიგა გუნდს და სტადიონს ორგანიზაციის დათმვის



გაბრიელ/სპორტის ფოტო

24 ივლისს საქართველოს ჩემპიონატი იწყება. ეს უკვე კარგა ხანია გადაწყვეტილია, თუმცა ის, ამ თორმეტგუნდიან უმაღლეს ლიგაში რომელი გუნდები ითამაშებენ, ჯერ კიდევ გაურკვეველია.

გუშინწინ, მაგალითად, უმაღლესში წლეულს დაბრუნებულმა „რუსთავის“ ერთ-ერთმა დამფუძნებელმა ლაშა მინდელია გვითხრა, პროფლიგის მოთხოვნას, ჩემპიონატის დაწყებამდე გუნდებს ანგარიშზე 300 ათასი ლარი ჰქონდეთ, „რუსთავი“ ვერ დააკმაყოფილებსო. იქით ზესტაფონის „მეტალურგი“ ეკურკურება უმაღლესში ასევე წლეულს დაბრუნებულ წყალტუბოს „სამგურალს“ და რაღაც ერთობლივი პროექტის ხარჯზე უმაღლესში ადგილის ეიმედება. კიდევ ის, რომ

დიმიტრი რამიშვილი: თუ ერთს დაჰუთმობთ, დანარჩენების იგივეს მოითხოვენ

პროფლიგის კომისიას უკვე ექვსი გუნდის სათამაშო მოედანი დაუწუნებია და სად ითამაშებენ ახალ ჩემპიონატში ეს გუნდები, საკითხავია...

პროფლიგის პრეზიდენტს დიმიტრი რამიშვილს კი გუშინ სწორედ ამ კითხვებით მიემართეთ.

— პროფლიგის პოზიცია პრინციპულია და ყველანაირად ვეცდებით ჩვენივე წესკანონების ბოლომდე დაცვას. ყოველ კონკრეტულ შემთხვევას ჩვენი კომპეტენტური კომისია განიხილავს და თავის აზრს პროფლიგის წევრებს მოახსენებს. მერე უკვე ერთად ვიმსჯელებთ, როგორ მოვიქცეთ, რა გავაკეთოთ. „რუსთავთან“ დაკავშირებული პრობლემაც ცალკე განიხილება. მოვიდნენ რუსთაველები, არგუმენტებით დაგვარწმუნონ, რომ მათ ჩემპიონატში მონაწილეობისთვის საჭირო ელემენტარული პირობები აქვთ და მერე ვნახოთ — კომისიის აზრს მივიხსენებთ და პროფლიგის უახლოეს კონფერენციაზე მათ საკითხს ყველა ერთად განვიხილავთ. ისე კი, ვიმეორებ, პროფლიგის პოზიცია პრინციპული იქნება და დათმობაზე არავისთან წავა. ერთს თუ დავუთმობთ, მერე დანარჩენი 11 გუნდიც იგივეს მოგვთხოვს. ისე, საკუთარ მომავალზე კლუბმა უნდა იზრუნოს, გამართულად უნდა მუშაობდეს

ბიორგი შაჰიაშვილი:

— სამი წლის წინ ბორისოვოში ტაიმზე მეტი ცხრა კაცით ვითამაშეთ — ორი ფეხბურთელი გაგვიძევებს და მსაჯობით უკმაყოფილონი ვიყავით. მაგრამ ახლანდელი „დინამო“ და ბატე სულ სხვა გუნდები არიან. შანსები კი ალბათ თანაბარია.

— „დინამო“ ახლა უფრო ძლიერია, ვიდრე სამი წლის წინ?

— შესაძლოა, ასეც იყოს. თუმცა ყველაფერს შედეგი გვიჩვენებს.

— ბატესთან დაცვის მარჯვენა ფლანგზე ითამაშებ?

— მთელი შეკრება ამ პოზიციაზე ვითამაშე, ამ ამპლუსისთვის მამზადდებდნენ.

ბორის გონჩაროვი:

— „დინამოსთან“ შეწყობა არ გამიჭირდა. შეკრებაზე საკმაოდ ძლიერ გუნდებს ვითამაშეთ და ძლიერი წინააღმდეგობაც გავუწიეთ.

— შეკრების შემდეგ მყისვე ბატეს ეთამაშებით, ბელარუსში კი გახურებული ჩემპიონატი...

— ეს ბატეს უპირატესობას აძლევს, მაგრამ „დინამო“ ბატეზე მაღალი დონის კლუბია და შედეგიც ამან უნდა განაპირობოს.

ლადო ასალაია:

— ბატეს დამარცხების კარგი შანსი გვაქვს და მთავარია, რომ ეს შანსი გამოვიყენოთ. არ ვიცი, ბატე რა გუნდია, მისი თამაში არ გვინახავს, მაგრამ უნდა გავიმარჯვოთ.

— პირველი თამაში რომ ბორისოვოშია, ეს „დინამოსთვის“ მომგებანია?

— რა თქმა უნდა, ეს ჩვენთვის კარგია, საბასუხო მატჩისთვის უკეთესად მოვემზადებით.

— „დინამოს“ სხვა რა კოზირი აქვს ბატესთან?

— უნდა ვიბრძოლოთ და მოვიგოთ — ეს არის ჩვენი კოზირი.

დავით თავართქილაძე

საკლუბო მენეჯმენტი და ახალი ჩემპიონატისთვის მზადებას ნებისმიერი გუნდი გასული ჩემპიონატის დამთავრებისთანავე უნდა იწყებდეს. მთელი ზაფხული რომ არაფერს გააკეთებ, ერთ კვირაში რა უნდა მოასწრო?! — ზესტაფონის „მეტალურგიას“ და წყალტუბოს „სამგურალის“ მესვეურებს შევხვდით და ბევრიც ვისაუბრეთ. გვითხრეს, რომ ზესტაფონელებს „სამგურალის“ მთლიანად, თავისი ინფრასტრუქტურით და ყველაფრით ყიდვა გადაუწყვეტიათ. თუ ასე მოხდება, რა თქმა უნდა, კარგია, ზესტაფონშიც შეძლებული გუნდი იქნება და წყალტუბოშიც. ვნახოთ, ამით ამბავსაც პროფლიგის უახლოეს კონფერენციაზე განვიხილავთ. თუმცა გარწმუნებთ, რომ პროფლიგა უმაღლესს, გინდ პირველ თუ რეგიონალურში ადგილების ყიდვა-გაყიდვას არ დაუშვებს.

— პროფლიგის კომისია საფეხბურთო ინფრასტრუქტურის საკითხებში კომპეტენტურია და მისი აზრი ჩვენთვის მნიშვნელოვანია. ამ კომისიამ შემოწმების პირველი ეტაპი უკვე მოიღია, კლუბებს ბევრი შენიშვნაც მისცა და ექვსი სტადიონი ამ ეტაპზე სათამაშოდ უვარგისად ჩათვალა. ახლა კომისია მერე წრეზე მიდის და ნახავს, მისი შენიშვნები კლუბებმა როგორ გაითვალისწინეს, რა გააკეთეს. კომისიის ანგარიშს პროფლიგა კონფერენციაზე მოისმენს და შესაბამის, პრინციპულ გადაწყვეტილებას მიიღებს. გუნდს, რომელსაც ჩემპიონატის დაწყებამდე ხარისხიანი მოედანი არ იქნება, საშინაო მატჩების სხვა სტადიონებზე ჩატარება იქამდე მოუწევს, ვიდრე მოედანს არ გამოასწორებს — გვიპასუხა დიმიტრი რამიშვილმა.

პროფლიგას კი პრეზიდენტის მიერ რამდენჯერმე ნახსენები კონფერენციის ჩატარება 19 ივლისისთვის აქვს დაგეგმილი. ჩვენც ეს ერთი კვირაც მოვითმინოთ... გასარკვევიც, ალბათ, ორშაბათს გაირკვევა.

კობა ინასარიძე

ბატეს მომზადება და დინამოსთან ლამაზად წაპყრო



მურაშვილი/სპორტის ფოტო

სამთვიანი პაუზის შემდეგ დინამოელებს დაუბრუნდათ ლადო გურდული, ვინც ტრავმის შემდეგ 90 წუთი სრულად ახლახანლა ითამაშა დანიურ „ბრონდბიუსთან“. ლადოს გერმანულ შეკრებასა და „ბატესთან“ მომავალ შეხვედრაზე ვესაუბრეთ...

— „ბრონდბიუსთან“ მატჩი ჩემთვის განსაკუთრებული იყო — 90 წუთი ბოლოს როდის ვითამაშე, აღარც მახსოვს.

— ამხელა შესვენების შემდეგ არ გაგიჭირდა?

— მგონი, ურიგოდ არ ითამაშე, განსაკუთრებით პირველ ტაიმში. მეორე ნახევარშიც მონდომებული ვიყავი, მაგრამ ბოლოს მაინც დავიღალე.

— შეკრებით კმაყოფილი ხარ?

— კმაყოფილი ვარ თუნდაც იმიტომ, რომ თანაგუნდელებისგან ძალიან ჩამორჩენილი ვიყავი, ახლა კი მათ ნელ-ნელა ვეწევი. ფეხის ტკივილმაც გამიარა და საკუთარი ძალის რწმენაც მიბრუნდა.

— უახლოეს მატჩებში, თუნდაც ბატესთან, სრულად შეძლებ ფორმის აღდგენას?

— ფორმის აღდგენას ალბათ მოვახერხებ, მაგრამ ვითამაშებ თუ არა, ეს მწკრივების გადასაწყვეტია.

— შენ ხომ ძირითადის მოთამაშე ხარ...

— ახლა ესეც გასარკვევია, ვინაა ძირითადის მოთამაშე. კონკურენცია დიდია და ვნახოთ, ვითამაშებ თუ არა. თუ მენდობიან, თავს არ დავზოგავ. ყველაფერი მაინც ჩემზე იქნება დამოკიდებული.


— ბატესთან ურთულესი მატჩები გელით, როგორ ფიქრობ, ვინ მოიგებს?

— რატომღაც დარწმუნებული ვარ, რომ ბატეს გავაგებთ. იაშვილი, შამიაშვილი, კვირკველია... მოკლედ, არიან ფეხბურთელები, რომელთაც შეუძლიათ, თამაშზე დიდი გავლენა მოახდინონ. სამი წლის წინ ბელარუსებს გაუმართლათ, ახლა ჩვენი ჯერია. „დინამოს“ მოგებაში დარწმუნებული ვარ.

— ბევრი ლაპარაკია „დინამოდან“ შენს წასვლაზე, თან სოლიდური კლუბები სახელდებოდა...

— ბატესთან მატჩამდე არ მინდოდა გუნდის მიტოვება. რაღაც ვარიანტები, თანაც საკმაოდ სერიოზული, ახლაც არსებობს, მაგრამ მხოლოდ უფასო თასის მატჩების შემდეგ ვიფიქრებ კლუბის დატოვებაზე. სხვა გუნდში წასვლაზე ხელი არ ჩამიქნევია, უბრალოდ, ამ ეტაპზე „დინამოს“ მიტოვება ულამაზო იქნებოდა.

დავით მრამბი



გაბრიელ აბრამოვიჩი

კოჭლაშვილი გუნდი თბილისში დაავალდაულა ულ ჯორჯია ცენტრიდან გოჩაშვილით დაარბყამს

გერმანული შეკრებიდან დაბრუნებული საქართველოს ჩემპიონი „ვიტ ჯორჯია“ ხეირიან დასვენებასაც ვერ ასწრებს, უკვე ხვალ ვეტერინარებს პირველი მატჩის გამართვა უნევთ ჩემპიონთა ლიგი ს საკვალიფიკაციო ეტაპზე ფარერების ჩემპიონ „ჰაფნართან“. გუშინ ვიტელთა მთავარ მწვრთნელს მირაბ კოჭლაშვილს და ერთ-ერთ ყველაზე გამოცდილ ფეხბურთელს ვლადიმერ გოჩაშვილს გერმანულ შეკრებასა და მოახლოებულ მატჩზე ვესაუბრეთ.



მურაზ დოღონაძე

მირაბ კოჭლაშვილი:

— საკმაოდ ნორმალური შეკრება გვექონდა კარგი სავარჯიშო და საცხოვრებელი პირობებით. ჩავატარეთ ოთხი ამხანაგური მატჩი. მართალია, აქედან ერთი იყო ბუნდესლიგის გუნდი — „ჰანოვერი“, მაგრამ დასახულ ამოცანებს თავი გავართვით. მთავარი იყო, თბილისში ტრავმების გარეშე დავბრუნებულიყავით, ვინაიდან ოთხი წამყვანი მოთამაშის წასვლამ ჩვენი სათადარიგო სკამი დაამოკლა. საბედნიეროდ, ტრავმებს გადავურჩით. შეკრება სამჯერადი ვარჯიშებით დავიწყეთ და ორჯერადი დავასრულეთ. ახლა დღეში ერთხელ ვვარჯიშობთ.

— რამდენად მზადაა თქვენი გუნდი?

— მზადყოფნის ხარისხის განსაზღვრის ორი ხერხი არსებობს, სამედიცინო და სპორტული ტესტები. პირველს უფრო ვერობაში იყენებენ. ტესტების ჩასატარებლად კი ჩვენ უბრალოდ დროც არ დაგვრჩა. თვალთ დანახულს კი გეტყვით — ამ ეტაპისთვის ფუნქციონალურად 70 პროცენტამდე ვართ ასული. ახლა მეტს არც მოველოდი. თანაც მხოლოდ „ჰაფნარისთვის“ ხომ არ მოვზადებულვართ, წინ მთელი სეზონია.

— თქვით, რომ წამყვანი მოთამაშეების წასვლით სათადარიგოთა სკამი დაგიმოკლდათ. ხომ არ აჯობებდა, ორი კარგი ფეხბურთელით მაინც გაძლიერებულიყავით?

— „ვიტ ჯორჯიას“ თავისი სტრატეგია გააჩნია, აქცენტს ჩვენს მიერ გაზრდილ ფეხბურთელებზე ვაკეთებთ. ამით თანხებს ვზოგავთ და ფულს გონივრულად ვიყენებთ — თუნდაც იმავე ახალგაზრდობის აღზრდის საქმეში. გუნდში შემთხვევით არავინ მოგვყავს. გერმანულ შეკრებაზე ის ფეხბურთელები წავიყვანეთ და მივეცით საერთაშორისო გამოცდილების მიღების შანსი, ვინც გამოგადგებოდა. ახალმა ფეხბურთელებმა თავი ძალიან კარგად წარმოაჩინეს, მათი გარჯით კმაყოფილი დავრჩი. კიდევ ერთხელ დავრწმუნდი, რომ ჩვენი გუნდის მომა-

ვალს საფრთხე არ ემუქრება.

— ოთხმა წამყვანმა მოთამაშემ დაგტოვათ, შეკრებაზე მათი სრულფასოვანი შემცვლელები თუ გამოჩნდნენ?

— ამის გაკეთება ძალიან ძნელია, თუ იმასაც გავითვალისწინებთ, რომ ჩემი აზრით საქართველოს საუკეთესო მეკარე, მირზა მერლანმა, ბომბარდირმა რევაზ გოცირიძემ და საუკეთესო შემქმნელებმა გიორგი ადამიამ და გიორგი დეკანოსიძემ დაგვტოვეს.

— რომელი რგოლის თამაშით ხართ კმაყოფილი?

— შეკრებაზე თავი ძალიან კარგად წარმოაჩინა ჩვენმა მეკარემ დავით მამარდაშვილმა. მან მაღალ დონეზე ჩაატარა თამაშები. როგორც ჩანს, მეორე მეკარის კომპლექსიც მოეხსნა. მართალია, ოთხ მატჩში ამდენივე გოლი გავუშვით, მაგრამ ბუნდესლიგურ „ჰანოვერს“ კარში ერთხელაც არ დავარტყმევინეთ. თუ დეკანოსიძის წასვლას არ ჩავთვლით, ნახევარდაცვა შევინარჩუნეთ. ახლა მთავარი პრობლემა სათანადო ფორვარდების შერჩევა იქნება.

— გერმანულ შეკრებაზე ყველაზე ხშირად ცენტრფორვარდის პოზიციაზე გოჩაშვილს უხდებოდა თამაში, მას ხომ არ დააბრუნებთ ძველ პოზიციაზე?

— გოჩაშვილმა, ფაქტობრივად, მთელი შეკრების განმავლობაში ცენტრფორვარდის ადგილზე ითამაშა, მას საკმაოდ ბევრი მომენტიც ჰქონდა, მაგრამ, სამწუხაროდ, კონცენტრაცია აკლდა. ეს გასაკვირიც არ იყო, გოჩაშვილი დღე-დღეზე შვილის შეძენას ელოდა და საკმაოდ განიცდიდა. დარწმუნებული ვარ, რომ ის საჭირო მომენტში იტყვის თავის სიტყვას.

— გოჩაშვილიც და ებანოიძეც საკმაოდ ტანმალალი ფორვარდები არიან, ამის გათვალისწინებით, თქვენს შეტევებში მაღალი ჩაწოდებები იმატებს?

— „ვიტ ჯორჯიას“ სხვადასხვა სტილის თავდამსხმელები ჰყავს, სათანამო სტილს კი კონკრეტული მეტოქისთვის შევარჩევთ.

— ფარერების „ჰაფნარი“ რთულ მეტოქეთა კატეგორიას ნამდვილად არ განეკუთვნება, მაგრამ

მდგომარეობას ინფორმაციული ვაკუუმი ხომ არ გირთულებთ?

— დავიწყეთ იქიდან, რომ როგორც განთესილი გუნდისთვის, ჩვენთვის სულ ერთი იყო, ვის შევხვდებოდით. „ჰაფნარზე“ ინფორმაციის მოპოვება კი მართლაც რთული აღმოჩნდა. რაც გვაქვს, ძირითადად ინტერნეტით მოპოვებული მასალებია. პირველი თამაში თბილისშია და ჩვენ ვაღდებულეობიც ვართ, აქვე გადავწყვიტოთ შემდეგ ეტაპზე გამსვლელის საკითხი

— როგორც ვიცო, „ჰაფნარი-სგან“ განსხვავებით, საკმაოდ დიდ ინფორმაციას ფლობთ შემდგომ მეტოქეზე, პოლონურ „ვისლაზე“...

— ვიდემასალის მოპოვებაში ძალიან დაგვეხმარა მამუკა ჯიქია. „ვისლას“ ორი თამაშის ფირი გვაქვს. გარდა ამისა, პოლონურ ფეხბურთს ვერობაშიც საკმაოდ დიდი ყურადღება ექცევა და მასალები ამ გუნდზე გერმანულ „ვიკერშიც“ მრავლადაა და სხვა წამყვან ევროპულ გამოცემებშიც. „ვისლა“ ძალიან ძლიერი მეტოქეა, პოლონეთის ნაკრების ექვსი ფეხბურთელი თამაშობს, ნიგერიელი და არგენტინელი ლეგიონერებიც ჰყავთ. მათ წინააღმდეგაც აუცილებლად მოვიფიქრებთ რამეს, თუმც ახლა მთელი ყურადღება პირველ მატჩს სჭირდება.

— ჩემპიონთა ლიგის მატჩს „ვიტ ჯორჯია“ ახალი ეკიპირებით შეხვდება?

— გერმანიაში შეკრებაზე ჩასულეებს პოპულარულმა გერმანულმა სასპორტო ინვენტარის ფირმამ „ულსპორტმა“ ახალი სათანამო და სავარჯიშო ფორმები დაგვახვედრა, რაც ბიჭებს ძალიან მოეწონათ. უცვლელი მხოლოდ გუნდისთვის უკვე ტრადიციული ფერები დარჩა. სხვათა შორის, გერმანიაში ერთ-ერთი მატჩისას „ულსპორტის“ მენეჯერმაც ჩამოგვაკითხა და გვაგრძნობინა, რომ ჩვენთან თანამშრომლობა სურთ.

ვლადიმერ გოჩაშვილი:

— დღე-დღეზე პირველი ბავშვის დაბადებას ველოდები. მეშინოდა, გერმანიაში ყოფნისას არ შემძენოდა,

მაგრამ, საბედნიეროდ, დამელოდა...

— გერმანული შეკრებაზე რას იტყვი?

— საკმაოდ ნაყოფიერი იყო. ყველაფერი გვემის მიხედვით მიდიოდა, პირობებიც მშვენიერი გვექონდა.

— გერმანულ კლუბებთან სპარინგიც ბევრს შეგძენდათ...

— კარგი მეტოქეები გვყავდა. განსაკუთრებით ბუნდესლიგულ „ჰანოვერს“ გამოვარჩევი. მათ არაფრით ჩამოვრჩით, პირიქით, შეხვედრის ფრედ დასრულების მიუხედავად, საგოლე მომენტები ჩვენ უფრო მრავლად შეგქმნით.

— „ვიტ ჯორჯიამ“ შემადგენლობის მხრივ საკმაო დანაკლისი განიცადა, განსაკუთრებით შეტევაში. შენ შეკრებაზე ცენტრფორვარდად ითამაშე...

— შეკრებაზე გამოკვეთილ ცენტრფორვარდობას მართლაც მე მაკისრებდნენ და გამორიცხული არ არის, ისევე ამ პოზიციას და-

ვუბრუნდე. თუ ასე იქნება, ეს ჩემთვისაც უკეთესია.

— ცოტაც და, ფარერების „ჰაფნართან“ მატჩი გელით, კენჭისყრამ გაგიმართლათ და პირველი ეტაპის გადალახვა არ უნდა გაგიჭირდეთ...

— კენჭისყრის შემდეგ გუნდში ყველა კმაყოფილი იყო და დარწმუნებული ვართ, რომ პირველი ეტაპით დავეძლევთ. თუმცა ამ გუნდზე ინფორმაცია ფაქტობრივად არ გვაქვს და მეტოქის შეუფასებლობა არ უნდა დაუშვათ. თამაში დღეს ყველამ ისწავლა.

— ალბათ უკვე „ვისლაზეც“ ფიქრობთ?

— „ვისლას“ თამაშების ვიდეოფირები ვნახეთ, უდავოა, რომ ძლიერი მეტოქე გვეყოლება, ძალიან ათლეტური გუნდია, თან ბურთთანაც კარგად არიან, თუმც „ვისლაზე“ მერე ვილაპარაკოთ...

დავით მარაძე

როგორ გაამტარებდებოდა ნახალტუბოს სამგურალი? დღეს ეონტრაქტის დღეა წყალტუბოს „სამგურალისა“ და შესტაფონის „მეტალურგის“ ყბადაღებულ საქმეს დღეს უნდა დაესვას წერტილი. იმერული კლუბების თავკაცები დღეს ერთმანეთს ხვდებიან და ხელშეკრულებაზე ხელს მოაწერენ.

მოკლედ შეგახსენებთ საქმის არსს: წყალტუბოს „სამგურალი“ უმაღლეს ლიგაში კი გადავიდა, მაგრამ უფულობისგან სული სძვრება და, ცხადია, პროფლიგის მოთხოვნებსაც ვერ აკმაყოფილებს. ბედად წყალტუბოელებს მშველელი გამოუჩნდათ — ახალი შეძლებული პატრონით თავმომწონე შესტაფონელებმა მეზობლებს გარიგება შესთავაზეს და დასტურიც მიიღეს.

აქამდე ეს საქმე წინ აღარ წასულა, მიზეზად იურიდიული დეტალების დახუსტება დასახელდა. ახლა კი გაირკვა, რომ „სამგურალი“ და „მეტალურგი“ ყველაფე-

რზე შეთანხმდნენ და კონტრაქტის გაფორმებას წინ აღარაფერი უდგას. აი, რა გვითხრა გუშინ წყალტუბოს მერმა მამუკა საღარეიშვილმა:

— ხვალ შეხვდებით ერთმანეთს და ალბათ ხელშეკრულებასაც გაფორმებთ. „სამგურალის“ გაყიდვაზე ლაპარაკი არც ყოფილა, ჩვენ გაერთიანებას ვაპირებთ. როგორც ვიცო, „მეტალურგის“ ხელმძღვანელებს სერიოზული მიზნები აქვთ და წყალტუბოში ბაზის ამენებასაც აპირებენ. ჩვენ, ცხადია, ამაში ხელს არ შევეშლით. დანარჩენი ამ დღეებში გაირკვევა.

ბაბა ზალაგზერიძე



შოთას და ზურას კაპიტანი აღარ ჰყავთ



კრეიგ მურს ქედს
სამშობლოში მოუბრუნა



მბაცრი რეინჯერსი გლატპრმაც ბააპრიტიკა

ბამისი გადაწყვეტილებაც მივიღეთო. მაკლიშმა ისიც დასძინა, ტრანსფერზე დაყენებულ მურს კორექტულად მოვექცევით, ანუ დიდ ფასს არ დავადებთო.

მაშ, ვინ უკაპიტნებს „რეინჯერსს“? მაკლიშის განმარტებით, ახალი კაპიტნის ვინაობა ზედ სეზონის დაწყების წინ გაირკვევა ან სეზონის დაწყებიდან რამდენიმე კვირაში — მანამდე „რეინჯერსს“ დროებითი კაპიტანი ეყოლება, მაგრამ ვინ, ჯერ ესეც უცნობია.

„რეინჯერსი“ დამდეგი სეზონის წინ ძალიან ბევრმა გამოცდილმა და სახელიანმა ფეხბურთელმა დატოვა და კაპიტნად არჩევის შანსი იქნებ შოთა არველაძესაც ჰქონდეს.

ამასობაში „ჩაფრებიან“ მურის დასჯის ფაქტს ფიფას პრეზიდენტი იოზეფ ბლატერი გამოეხმაურა: „სად არის სოლიდარობა? სად არის ფეარ პლეი? „რეინჯერსისთვის“ პატივი უნდა იყოს, თუ მისი რომელიმე ფეხბურთელი ოლიმპიადაზე ითამაშებს“.

ავსტრალიის ოლიმპიური ნაკრების მთავარი მწვრთნელი ფრენკ ფარინა კი ამბობს: „მურმა 1996 წლის ატლანტის ოლიმპიადა ტრავმის გამო გამოტოვა და ამის შემდეგ ძალიან უნდოდა ოლიმპიადაზე ითამაშა. მის წინაშე ქედს ვიზირი, მან სიტყვა მოგვცა, რომ ათენის ოლიმპიადაზე ითამაშებდა. გაწბილებული ვარ იმით, რაც მას „რეინჯერსში“ უქნეს — კრეიგ მურმა „რეინჯერსისთვის“ ბევრი გააკეთა, ამ გუნდის მიმართ უსაზღვრო ერთგულებას იჩენდა“.

დავით თავაშთილაძე

შამქირმა თბილისამდე იაბანი გააგორა

„თბილისის“ საუფასოსო მეტოქემ, აზერბაიჯანულმა „შამქირმა“ ამხანაგური მატჩი გამართა „გოიუნთან“. შეხვედრა შამქირში, ცენტრალურ სტადიონზე ჩატარდა და ფრედ, 1:1 დასრულდა. მასპინძელთაგან გოლი ესკოტ ესკანტიმ გაიტანა, რომელმაც კლუბთან კონტრაქტი ორიოდ დღის წინ გააფორმა. მის გარდა „შამქირს“ კიდევ ხუთი ახალწვეული ჰყავს — მიხაილ მამაზოვი, მიხაილ იუსიფოვი, ულფატ მამადოვი, ფაიგ ჯაბაროვი და ელჩინ ჰასანოვი. „შამქირმა“ უეფაში უკვე გააგზავნა განაცხადი, რომელშიც ექვსივე ახალწვეულია შეყვანილი.

ბაბა ზალაგბერიძე

მოსკოვის „ლოკომოტივიდან“ კალინინგრადის „ბალტიკაში“ განათხოვრებულ რომან ახალკაცს ახალ გუნდში, წესით, წინა ტურში უნდა ეთამაშა, მაგრამ მისი გვარი ვერსად ამოვიკითხეთ. ეჭვები „ბალტიკის“ თავკაცმა ანდრეი სიომინმა გაფანტა, როცა რუს ყურნალისტებს უთხრა, მომავალ მატჩებში ახალკაცის იმედი მაქვსო. თუმცა... გუშინ გავიგეთ, რომ ჩვენებური „ბალტიკაში“ არ ითამაშებს. ახალკაცი ახლა მოსკოვშია და „ლოკომოტივითან“ ერთად ვარჯიშობს. ცხადია, მასზე უკეთ მომხდარში ვერავინ გაგვარკვევდა და ჩვენც გუშინვე რომანს შევხვდით...

— „ბალტიკაში“ ჩემი ტრანსფერი ჩაიშალა. ასე რომ, ახლა ისევ „ლოკომოტივის“ სარეზერვო გუნდში მომიწევს თამაში.

— რატომ ჩაიშალა ტრანსფერი? თითქოს ყველაფერზე შეთანხმებულები იყავით...

— შეთანხმება არაფერ შუაშია. უბრალოდ, როგორც გაირკვა, „ლოკომოტივის“ ჩემი განათხოვრების უფლება არ ჰქონია.

— ეგ როგორ?

— დეტალები მეც არ ვიცი. კალინინგრადში „ლოკომოტივის“ პრეზიდენტმა ვალერი ფილატოვმა დამირეკა და მითხრა, მოსკოვში ჩამოდიო. როცა ვიკითხე, რა ხდება-

ახალი ამბავი ახალკაცისგან

ლოკომობივა ქართვალდი ბალტიკას ვერ ათხოვა



მეთქი, მიპასუხა, კონტრაქტში წერია, რომ შენი განათხოვრება არ შეგვიძლიაო.

— არადა, ანდრეი სიომინი ამბობდა, ახალკაცი უახლოეს ტურებში შეგვეშველებო...

— წინა ტურშივე უნდა მეთამაშა, მწვრთნელმა დავალება მომცა, მაგრამ მოგვიანებით მითხრეს, განაცხადში შენი შეყვანა გაჭიანურდაო და მერე, როგორც ვითხარით, ფილატოვმაც დამირეკა და მოსკოვში დავბრუნდი.

— ესე იგი, თუ სხვა გუნდში გადახვალ, „ლოკომოტი-

ვმა“ უნდა გაგვიდოს...

— ეგ რა, მაგრამ ფილატოვმა მითხრა, კონტრაქტს გადავხედავთ და თუ რამე არ მოგვეწონება, შევცვლითო.

— „ლოკომოტივის“ ძირითად გუნდში გადაყვანაზე არაფერი უთქვამთ?

— რა ვიცი, რომ უნდოდეთ, ხომ გადამიყვანდნენ?!

— ესე იგი, ისევ ლუბლებში ითამაშებ?

— ასე გამოდის. ეს სეზონი კარგად უნდა ჩავამთავრო და დანარჩენზე მერე ვიფიქრობ.

ბაბა ზალაგბერიძე

მოსკოვის „დინამოსთან“ მატჩში დაშავებული ქართველი ფეხბურთელი მალხაზ ასათიანი „ლოკომოტივს“ კიდევ ათი დღე ვერ შეეშველება. ექიმებმა ასათიანი ერთხელაც გასინჯეს და სწორედ ათდღიანი დასვენება გამოუწერეს.

ასე რომ, საგანგაშო აღარაფერია და მალხაზიც მალე განაახლებს ვარჯიშს. არადა, „ლოკომოტივში“ ყველას ეგონა, რომ ასათიანს კუნთი გაუწყდა. არ გამართლდა ის ვარაუდიც, რომ ჩვენებურს თვეების წინ იაროსლავლის „შინიკთან“ სათასო მატჩში გაწვევითი კუნთი დაუზიანდა — მალხაზის თქმით, ამჯერად მეორე ფეხის კუნთმა უმტყუნა, ძველ ტრავმას კი თავი აღარ შეუხსენებია.


ფრაიბურგი ბებრს თამაშობს, ბადენოვა ბებრს ხარჯავს

იაზვილ-ცჰიტიზვილის „ფრაიბურგი“ პირველ მოსამზადებელ ეტაპს კუნძულ ლანგეინგზე 14 ივლისს დაასრულებს. ამის შემდეგ კი რამდენიმე ამხანაგური მატჩს მართავს.

18 ივლისისთვის „ფრაიბურგი“ „კარლსრუემ“ მიიწვია და საკლუ-

ბო 100 წლის იუბილესთან დაკავშირებით ქალაქ კელში „რეინშტადიონზე“ დაუპირისპირდება.

23 ივლისს ჩატარდება „ფრაიბურგისთვის“ ტრადიციულ ქვეული მატჩი, რომელშიც ერთმანეთს მოყვარული და პროფესიონალი ფრაიბურგელი ფეხბურთელები შეხვდებიან.



ასათიანის ათდღიანი


24 ივლისს კი დაიწყება ტურნირი „კაიზერშტულ კუპ“-ი. მასში ფრაიბურგელთა გარდა მონაწილეობენ „ფიურტი“, „ბალინგერი“ და „ჰერტა“. „ფრაიბურგი“ პირველად „ჰერტას“ შეხვდება, ფინალი კი 25 ივლისს გაიმართება.

31 ივლისს „ფრაიბურგი“ ფრანგულ „სოშოს“ უმასპინძლებს. შეხვედრა კლუბის საფეხბურთო სკოლაში გაიმართება.

3 ივლისს კი, ადრეც გაუწყეთ, „ფრაიბურგის“ ასი წლისთავისადმი მიძღვნილი მატჩია. ფრაიბურგელები საკუთარ „ბადენოვას“ სტადიონზე მიუნხენის „ბაიერსს“ უმასპინძლებენ.

თავის მხრივ, გერმანიაში ერთ-ერთი უმსხვილესი კომპანია „ბადენოვა“ (რომლის სახელიც დაერქვა „ფრაიბურგის“ ყოფილ „დრაიმზაშტადიონს“) სტადიონის კეთილმოსაწყობად 5 მილიონ ევროსაც გამოდის, — ამ თანხად იყიდა „ბადენოვამ“ ფრაიბურგის სტადიონის სახელი.

დავით მერაბი



დიდმა ბრაზილიამ პატარა კოსტა რიკა ასე მოახრჩო

პერუანო ანდებში ნაკარდობს პარიკამ ჯოსტარიჩელას სათამაშო დრო შეახსენა

ბრაზილია კოლუმბიის შემდეგ მეორე მეოთხედფინალისტი გახდა. პენტაკამპეონებმა კოსტა რიკას ოც წუთში მოუღეს ბოლო. ინტერელმა ადრიანომ ჰეთ თრიქი მიითვალა და ნამატჩევეს კარლოს ზალბერტო პარეირას ნდობისთვის მადლობა მოუხადა.

„ინტერის“ ფორვარდმა ანგარიში პირველი ტაიმის მიწურულს ალექსის პასით გახსნა. მეორე გოლი შესვენების შემდეგ ლუის ფაბიანომ უმალ გაიტანა — მცველის დაუდევრობით ისარგებლა და რიკარდო გონსალესს შანსი არ დაუტოვა.

ამას კოსტარიკელი მეკარის შეცდომა მოჰყვა. ფლანგიდან ჩაწოდებულ ბურთზე უხეიროდ გამოვიდა კარიდან და ადრიანომ დასაჯა — თავით მესამე შეაგდო. მადაგასხნილმა ინტერელმა ცოტა ხანში მეოთხეც მიაყოლა და მეტო-

ქის რბევა ამით დაასრულა. კოსტარიკელმა ლუის მარინმა შეხვედრის ბოლოს ერთი რომ გაქვითა, ეს ტურნირზე ამ ნაკრების პირველი გოლი გახლდათ.

გახარებულმა ადრიანომ თქვა: „ერთ მატჩში სამი გოლის გატანა იოლი არაა და ყოველდღე ვერ შეძლებ. რა თქმა უნდა, ძალიან კმაყოფილი ვარ. ვიცოდი, აუცილებლად გავიტანდი, რადგან უმაღლესი კლასის თანაგუნდელები მყავს. პირველი გოლის შემდეგ ვიგრძენით, რომ იოლად მოვიგებდით და მეორე ტაიმში უკეთესად ავთამაშდით. მეოთხედფინალში გავედით, სადაც გაცილებით რთული თამაშები გველის. ვიმედოვნებ, ასევე კარგად გავაგრძელებთ“.

ალექსი, ბრაზილიის ნაკრების ნახევარმცველი: „აქაურ კლიმატთან შეგუება ცოტა კი გაგვიჭირდა, თუმცა ახლა შესანიშნავ ფორმაში ვართ“.

კარლოს ალბერტო პარეირა, ბრაზილიის ნაკრების მწვრთნელი: „კოსტა რიკამ ისეთი ტემპით დაიწყო, მივხვდი, დიდხანს ვერ გაძლებდნენ, ასეც მოხდა. მეორე ტაიმში უკვე დაღლილები იყვნენ, ფეხბურთი კი 90 წუთს გრძელდება. მეგონა, რომ ძალიან მძიმე მატჩი გველოდა, თურმე მოვტყუედი“.

„უყურადღებოდ ვითამაშეთ. ბრაზილიამ ექვსიდან ოთხი საგოლე მომენტი გამოიყენა, ჩვენი შანსები კი გავანიავეთ“ — განაცხადა დამარცხებულთა კოლუმბიელმა თავკაცმა ლუის პინტომ.

დღის მეორე მატჩში ჩილემ პარაგვაისთან ფრედ ითამაშა და ბოლო ტურში თუ კოსტა რიკას სძლეეს, ოთხი ქულით მესამე ადგილიდან შესაძლოა, მეოთხედფინალში გავიდეს.

პირველ ტაიმში გუნდებს თვალსაჩინო არაფერი გაუკეთებიათ. ჩი-

COPIA AMERICA
PERU 2004
კოპა ამერიკა 2004
პერუ (6-25 ივნისი)

ბრაზილია 4:1 ჯოსტა რიკა

ბრაზილია (44), 2:0 ლუის ფაბიანო (49), 3:0, 4:0 ადრიანო (54, 67), 4:1 მარინი (81)
ბრაზილია: ყუელიო სეზარი, მანსინი, ლუიზაო, ფუანი, გუსტავო ნერი, რენატო, კლემენტინი (დეიგო 56), ედუ (დუდუ 66), ალექსი, ადრიანო, ლუის ფაბიანო (ვაგნერ ლოვე 56)
ქოსტა რიკა: რ. გონსალესი, ტ. ბენეტი, ლ. მარინი, მ. რაიტი, ლ. გონსალესი, ბადილია (რ. გომესი 55), სეკვირა, სენტენო, ბრისი, სოლისი (კ. ერნანდესი 76), საბორიო
მსაჯე: ექტორ ბალდასი (არგენტინა)
13 000 მაყურებელი

პარაგვაი 1:1 ჩილე

0:1 ს. გონსალესი (72), 1:1 კრისტალო (79)
პარაგვაი: ვილიარი, დ. გონსალესი, პ. ბენეტი, გამარა, კრისტალო, ე. ბარეტო, პარედესი, ა. ტორესი, ფიგერუდო (დ. ლომესი 67), ბარეირო (ე. მარტი-ნესი 81), ნ. ვალდესი (დოს სანტოსი 65)
ჩილე: კ. ბრაზო, ლ. ფუნტესი, ოლარა, რ. პერესი (აროსი 46), კ. აკუნია (მილარი 64), ი. ფუნტესი, ვალენსუელა, რ. მელენდესი, მიროშევიჩი, გალაზი (მანსილია 46), ს. გონსალესი
მსაჯე: გუსტავო მენდესი (ურუგვაი)
15 000 მაყურებელი

ბრაზილია	2	2	0	0	5:1	6
პარაგვაი	2	1	1	0	2:1	4
ჩილე	2	0	1	1	1:2	1
კოსტა რიკა	2	0	0	2	1:5	0

III ტური 14 ივნისი

ჯოსტა რიკა - ჩილე **ბრაზილია - პარაგვაი**

ლელთა შეტევები შესვენების შემდეგ გაუმჯობესდა. შეცვლაზე შესულმა მაურისიო აროსმა მარცხენა ფლანგი გათევა და გოლიც მისი პასით სებასტიან გონსალესმა გაიტანა, თუმცა პარაგვაელმა ერნესტო კრისტალომ დაახლოებით 35 მეტრიდან უძლიერესი დარტყმით გაათანაბრა.

გაშა ხუციშვილი



პარაგვაელმა ერნესტო კრისტალომ მატჩის ბოლოსკენ შეაგდო და გაიხარა

სუარესს ზედმეტი ფეხბურთი არ ვნებს



კლაუდიო სუარესი

მექსიკელმა მცველმა კლაუდიო სუარესმა 171 სანაკრებო მატჩი მოაგროვა, მაგრამ ამ რიცხვის 200-მდე დამრგვალებას რატომღაც არ გეგმავს, 35 წლისა ვარო.

„ჩემთვის რაოდენობას მნიშვნელობა არა აქვს. ვითამაშებ მანამდე, სანამ ნაკრებს ჩემი ცოდნა გამოცდილება გამოადგება. ჯერჯერობით ბუცების ლურსმანზე ჩამო-

კიდებას არ ვაპირებ, რადგან თავს კარგად ვგრძნობ და ფეხბურთის თამაში სიამოვნებას მანიჭებს“.

ბოლო ორ წელიწადში კლაუდიო სუარესმა ნაკრებში მხოლოდ ერთხელ, გასულ ოქტომბერში, ურუგვაისთან ამხანაგურ მატჩში ითამაშა. მან კორეა-იაპონიის მსოფლიოს ჩემპიონატი ტრავმის გამო გამოტოვა და მაშინ გაოცდა, როცა მწვრთნელმა რიკარდო ლავოლპემ „კოპა ამერიკაზე“ გასამგზავრებლად უხმობ.

„ძალიან დიდი მოულოდნელობა იყო, რადგან ამხანაგურ და მსოფლიოს ჩემპიონატის შესარჩევ მატჩებში არ მიხმეს. მიუხედავად ამისა, ლავოლპემ მენდო და შემადგენლობაში შემეყვანა, რაც მეტად სასიამოვნოა“.

სუარესს კოპაზე ჯერ არ უთამაშია, თუმცა ამბობს, რომ ნებისმიერ დროს მზადაა, ნაკრებს შეეშველოს: „თუ გუნდს ჩემი დახმარება დასჭირდება, ვიცი, რომ მწვრთნელს არ დავადალატებ“.

რაც შეეხება 2006 წელს გასამართ მუნდიალს, სუარესს გერმანიაში მოხვედრის — თუ მექსიკა შესარჩევად გავიდა — იმედი გააქვს, რადგან იმ დროისთვის 37-ის იქნება.


გაშა ხუციშვილი

ლავოლპემ თავი დაცვით დაიცვა

რიკარდო ლავოლპემ მექსიკამ არგენტინა რომ დაამარცხა, მარსელო ბიელსამ განაცხადა, შვიდი მცველით გვეთამაშებოდნენ და ეგ რაღა ფეხბურთი იყო.

არგენტინაში დაბადებულმა ლავოლპემ, რომელიც 1978 წლის მსოფლიოს ჩემპიონთა სათადარიგო მეკარე იყო, გუშინ მედიასთან საუბარში კოლეგას ირონიულად გადაუკრა, რა ვქნა, დაცვით თამაშს ვანიჭებ უპირატესობასო.

„ჩემს ადგილზე იმუშაოს და მეორე ვნახოთ, რას გააკეთებს. მე არ მყავს სავიოლა, დალესანდრო, ხავიერ ძანეტი და მათდარი ბიჭები, ამიტომაც ავაწყვე გუნდი დაცვაზე. ზოგჯერ ასე სჯობს და ამ შემთხვევაში გაამართლა. რა თქმა უნდა, ეკვადორთან გაცილებით შემტევ ფეხბურთს ვითამაშებთ, რადგან მექსიკური მედია ტაქტიკის გამო მაკრიტიკებს. ვფიქრობ, რომ აქ ამკარა ფავორიტები არ არიან და ამიტომ ჩვენ ჩემპიონობაზე ფიქრიც შეგვიძლია“ — განაცხადა ბიელსაზე განაწყენებულმა ლავოლპემ.



რიკარდო ლავოლპემ თვისტომ მარსელო ბიელსას შემოსწყრა

გაშა ხუციშვილი



ახალი ბაღაშტიანი



ხოსე ანტონიო კამაჩოს ზურგს ფლორენტიანო პერესი უმაგრებს

ფლორენტიანო პერესმა ხმათა 90 პროცენტზე მეტი მიიღო და კვლავ „რეალის“ პრეზიდენტი გახდა. რა უნდა ნიშნავდეს ასეთი შედეგი? ალბათ იმას, რომ „გალაქტიკოს“ ბოლო სეზონის ჩაგარდნამ მისი ბრწყინვალეობა მაინც ვერ დაზარდოდა. 57 წლის ბიზნესმენის კონსტრუქციამ ორი კონკურენტი ყოფილი პრეზიდენტი ლორენსო სანსი და არტურო ბალდასანო სამარცხვინოდ დასცა ბეჭებზე ამ ორმა ჯამში მხოლოდ ექვსი პროცენტი მოაგროვა.

ერთი სიტყვით არჩევნები ცალმხრივ მოძრაობას ჰგავდა, თუმცა პერესს, როგორც მისი მომხრეები ამბობენ, მზამზარეულად არაფერი მიუღია. პრეზიდენტმა გვარიანი დრო და ენერჯია დახარჯა, რათა მოცილოთათვის ერთხელ და სამუდამოდ მიეჩინა ადგილი დამარცხებულთა შორის. აგრეთვე ამბობენ რომ სანსი და ბალდასანო ამ დარტყმის შემდეგ ველარასოდეს გამოერკვევიან.

„რეალის“ კლუბის 30 ათასი წევრი ჰყავს და ანალიტიკოსთა აზრით ამ ხალხს სხვა გზა არ ჰქონდა, ხმა პერესისთვის უნდა მიეცა. სანსი წარსულში დაბრუნებას ნიშნავდა, წარსულში კი კლუბი ფინანსური კატასტროფის წინაშე იდგა. რაც შეეხება ბალდასანოს, მას რომ ხმას არავინ მისცემდა, ისედაც ნათელი იყო. და კიდევ პერესს ერთი დიდი პლუსი აღმოაჩნდა: მართალია, საჯაროდ ამის თქმა მაინც და მაინც არ სიამოვნებდა, მაგრამ სატრანს-

ფერო საქმიანობაზე დაეტყო, რომ ძალიან კარგად მიხვდა რა შეცდომებიც მოუვიდა გასულ სეზონში. თუმცა სატრანსფერო საქმიანობამდე პრეზიდენტის ალლო მაშინ გამოჩნდა, როდესაც მწვერთელი კარლუს მონტელანო დაითხოვა თანამდებობიდან. მოგეხსენებათ, ბოლო სეზონში ერთადერთი უტიტულო სეზონი „რეალს“ სწორედ ახლა ჰქონდა, მაგრამ აქ, ისევე როგორც ყველგან და ყოველთვის მედლის ორი მხარე აქვს: განა წარუმატებლობა მხოლოდ ამ რბილი ბუნების, კარგად ჩაცმის მოყვარული პორტუგალიელის ბრალი იყო? განა არ არის ეჭვი რომ პერესმა, რომელმაც თავად დაახვედრა კვირუს დაუბალანსებელი გუნდი, მწვერთელი ბოლოს განტყუების ვაცად აქცია? მეორე მხრივ, რა საკვირველია, მაგრამ თუ ასეა (ერთი წუთით ზნეობის თავი დავანებოთ) გამოდის, რომ პერესს მართლა სხარტი ადლო ჰქონია. და პრეზიდენტს დრო არ დაუკარგავს, კვირუსი გაუშვა თუ არა მის ადგილზე „რეალის“ ყოფილი მცველი, ესპანეთის ნაკრების ყოფილი მწვერთელი ხოსე ანტონიო კამაჩო მიიყვანა. საინტერესოა, რომ კამაჩო პერესის მიერ „რეალში“ დაგროვებული ფეხბურთელების აბსოლუტური ანტიტიპია: უხეშია, არ იპრანჭება და აურნაღისტებს არ უღიბის, მაგრამ აქვს ის, რაც, ალბათ კომპაგების თვალს და გულს გასულ სეზონში აკლდა — თავდადება, პრინციპულობა და დაჟინება. შემდეგ, პერესმა „რომასგან“ ვა-

ლტერ სამუელი იყიდა, რაც იმას ნიშნავს, რომ ახალი სეზონში გუნდი საფეხბურთო საჭიროების მიხედვით აეწყო და არა კომერციული მოგების შესაბამისად. აი, სწორედ ამას ვამბობდით ზევით: კვირუსს ასეთი საჭირო შენაძენით არავინ გაანებებდა. მეორე მხრივ, სამუელის ყიდვა არ ნიშნავს, რომ პერესმა „გალაქტიკოს“ პროექტზე უარი თქვა, ბოლოს და ბოლოს „გალაქტიკოს“ პროექტის დედაზრი ხომ ყოველ ზაფხულს ერთი გამორჩეული სიკამუკამის ვარსკვლავის შექმნა, ასეთები კი პერესს ეხერხება. უეინ რუნი, რუელ ვან ნისტელროი ან ფრანჩესკო ტოტი — აი, ვისზე ეჭვობს დღეს ესპანური პრესა. მაგრამ, სანამ რუნის, ვან ნისტელროის თუ ტოტის იყიდის, პერესი სამუელის მხარში ამოსაყენებლად „პორტუს“ ცენტრალურ მცველს, რიკარდო კარვალოს ელაპარაკება და „პორტუდანვე“ გამოუსვლელად კონსტინიას უთანხმდება. და ვინ იხეირებს ყოველივე ამით? უპირველეს ყოვლისა ცხადია დევიდ ბექემი, რომელიც შავი სამუშაოს დიდი ნაწილისგან განთავისუფლდება, რაც მისი განტვირთვა როდია, პირიქით, ეს მისი სწორად დატვირთვა და მისი ნიჭის ეფექტურად გამოყენებას ნიშნავს. და ბოლოს, პერესის გეგმაში 36 მილიონ დოლარიანი სხვა პროექტიც შედის — „სანტიაგო ბერნაბეუს“ მოდერნიზაცია (თანამედროვე გადახურვა) და ახალი საწვრთნელი ბაზის აგება.

გააუზნა კილია


მადრიდის „რეალის“ საპრეზიდენტო არჩევნებში ფლორენტიანო პერესმა დიდი უპირატესობით გაიმარჯვა. ესპანურ „ასთან“ საუბარში მან დამარცხებული კანდიდატები ანუ-გეშა, ხოლო მადრიდელ ინჩასებს „სანტიაგო ბერნაბეუსზე“ კვლავინდებურად ვარსკვლავთცვენას დაპირდა...

- „რეალის“ საპრეზიდენტო არჩევნებში ასეთი შთამბეჭდავი გამარჯვების შემდეგ სხვა კანდიდატებს რას ეტყობოდა?
- სანსს და ბალდასანოს ვეტყობდი, რომ ადამიანი ცხოვრებაში წაგებოდა ბევრს სწავლობს და რომ საპრეზიდენტო არჩევნებში მარცხი მათთვის კატასტროფას არ უნდა ნიშნავდეს.
- მეტოქეებმა ხელახალი პრეზიდენტობა თუ მოგილოცეს?
- დიახ, ორივემ დამირეკა და მომილოცა, რისთვისაც მათი მადლობელი ვარ.
- ეს თქვენი მეორე გამარჯვებაა — პირველად ოთხი წლის წინ გახდით პრეზიდენტი. ოღონდ მაშინ ასეთი უზარმაზარი სხვაობა არ ყოფილა...
- ის, რაც ოთხი წლის წინ მოხდა, ტკბილი სიზმარით იყო და ეს სიზმარი ჩემთვის ახლაც გრძელდება. „რეალის“ პრეზიდენტობა უდიდესი პატივია, თუმცა ამავდროულად მძიმეა. რასაც ამომრჩევლებს დავპირდი, აუცილებლად შევასრულებ.
- კონკურენტების მარცხი რას უნდა მივაწეროთ?
- ვფიქრობ, ხალხი მე მეტად მენდობა, ვიდრე მათ. ამომრჩევლებმა დაინახა, რომ „რეალისთვის“ ამ ეტაპზე სხვებზე მეტი სარგებლის მოტანა შეუძლია.

- მადრიდელი ინჩადა თქვენი მეორე მმართველობის პერიოდისგან რას უნდა ელოდოს?
- შეუძლიათ მშვიდად იყვნენ, რადგანაც იმედს არასოდეს გაუცრუებ. არჩევნებში მადრიდელმა უზარმაზარი ნდობა გამოამიჯნა და „რეალის“ ამჟამინდელი საპრეზიდენტო საბჭოს სწორ გზაზე ყოფნის მარჯვენა ხელია. ჩემთან ერთად „სანტიაგო ბერნაბეუს“ ღირსეულ ცხოვრებას გააგრძელებს — ჩვენი მიზანი კვლავ გამარჯვება იქნება.
- ამ საარჩევნო კამპანიაში ყველაზე მეტად რა არ მოგწონათ?
- ალბათ ის, რომ მკანთა უაზრო გამონათქვამების გამო სამეფო გუნდის სახელი შეილახა. ჩვენ ყველანაირად ვცდებით ამომრჩეველი თავისი არჩევნის სისწორეში დავარწმუნოთ.
- და პირველად რას გააკეთებთ?
- ძალიან დატვირთული სამუშაო განრიგი მექნება. ჯერჯერობით მხოლოდ ის შემოიძლია ვითხრათ, რომ მადრიდის „რეალის“ განვითარების თანამედროვე პროექტი გაცილებით უკეთესია, ვიდრე ოთხი წლის წინანდელი.
- შესაძლოა ახალ ტრანსფერებზე რას გვეტყვიან?
- ხოსე ანტონიო კამაჩოს თანხმობით „რეალში“ მხოლოდ საუკეთესოებს მოვიყვან.

პერესმა და პრეზიდენტობაზე ხელახლა არჩეული ფლორენტიანო პერესი ბრძანებს, რომ ლონდონის „არსენალიდან“ ცნობილი ფრანგი ნახევარმცველის, პატრიკ ვიერიას გადაბირებას შეეცდება. აღსანიშნავია, რომ „რეალს“ ვიერიას ყიდვა დიდი ხანია სურს და პრესაშიც დროგამოშვებით ჩნდებოდა ხოლმე ცნობები მადრიდელთა მორიგი გააქტიურების შესახებ, თუმცა ფეხბურთელისგან პასუხად ყოველთვის უარი ისმოდა. ვიერა ჯიუტად აცხადებდა, რომ ლონდონში თავს ბედნიერად გრძნობს.

პერესი პატრიკს აპირებს



არადა დღეს ცხადზე უცხადესია, რომ „რეალს“ საყრდენი, ეგრეთწოდებული პირველი ბურთის მომგები ნახევარმცველი წყალივით თუ ჰაერივით სჭირდება. გასულმა, უტიტულო სეზონმა მადრიდელს დაანახა, რომ სხვა ფრანგი საყრდენის, კლოდ მაკელელეს გაყიდვის შემდეგ მოედნის შუაში სერიოზული პრობლემები გაუჩნდათ. დევიდ ბექემი და გუტი, რომელთაც ვეალებოდით ამ ფუნქციის შეთავსება, თავიანთი თვისებებიდან გამომდინარე საჭირო ეფექტს ვერ იძლეოდნენ. ერთი სიტყვით, ხელახლა არჩეულმა პერესმა განაცხადა, რომ ამ სეზონშიც ერთ დიდ ვარსკვლავს შეიძენს — შარშან იყო ბექემი, შარშანწინ რონალდო, იმის წინ ზინედინ ზიდანი, პირველ წელიწადს კი ლუიშ ფიგუ. ამას გარდა პრეზიდენტმა დასძინა, რომ ფეხბურთელების შერჩევა, ცხადია, ახალი მწვერთელის, ხოსე ანტონიო კამაჩოს პრეროგატივა იქნება. „მე ვალდებული ვარ ჩემი პოლიტიკა გავიმეორო და „რეალში“ ყველა ადგილზე სათანადოდ მსოფლიოს საუკეთესო ფეხბურთელი მოვიხილო. განსაკუთრებით ყურადღებას გავამახვილებ იმ პოზიციებზე, რომელზეც მსოფლიოს საუკეთესო ფეხბურთელი ვერ არ გვყავს. ჩემი აზრით, საყრდენი ნახევარმცველის როლში ყველას პატრიკ ვიერა სჯობს“ — უთხრა პერესმა ინგლისურ გაზეთს გარდიანს. რაც შეეხება ინგლისის ნაკრების კაპიტანს, დევიდ ბექემს, იგი, რაკილა „რეალის“ პრეზიდენტი კვლავ პერესია, მადრიდელი გუნდის ერთ-ერთ ვემირად დარჩება.

გააუზნა კილია



კლოდ სიმონა: იცნობდეთ, საფრანგეთის ნაკრების მწვრთნელი რაიმონ ლომენეკი

გმირას საფრანგეთში გაპარჯება იშვიათი მაბრკოლი დროენაკი

რასაც მთელი საფრანგეთი ელოდა, მოხდა: ქვეყნის ნაკრების მწვრთნელად რაიმონ ლომენეკი დანიშნეს, ადამიანი, რომელიც 1993 წლის შემდეგ 21 წლამდე ერთგულ გუნდს ხელმძღვანელობდა და შესაბამისად გახლ-

ამ დანიშვნასთან დაკავშირებით საფრანგეთის ფეხბურთის ფედერაციის პრეზიდენტი, კლოდ სიმონემ პრესკონფერენცია მოიწვია, სადაც გამოაცხადა: „ჩვენ 41 განცხადება მივიღეთ, რომელთაგან ექვსი ნამდვილად სერიოზული გახლდათ. აქედან შორტლისტი მოხვდნენ სამნი, ლორან ბლანი, ჟან ტიგანა და რაიმონ ლომენეკი. რის შემდეგაც ვიმსჯელებთ და თანამდებობაზე რაიმონ ლომენეკი დაენიშნეთ“.

რომ გვხსენებინათ, ყველა გეტყვოდათ, რომ თქვენ ფიზიკური ორთაბრძოლების მოყვარული ნახევარცენტრზე საუბრობთ, ეტყობა დღეს, ლომენეკის ბიჭობიდან კარგა ხნის შემდეგ, ქვეყნის ფეხბურთის ფედერაცია მისგან ისევე სიხისტეს და ასე ვთქვათ, ფოლადს მოითხოვს — რაღაც ძალიან დარბილდნენ ლურჯები.

ლომენეკმა მებრძოლის რეპუტაცია ჯერ კიდევ 16 წლისამ შეიძინა, როდესაც „ლიონის“ შემადგენლობაში პირველივე შეხვედრაში მეტოქეს ფეხი მოსტეხა. მას მერე უკან აღარ მოუხედავს... 1984 წელს, როდესაც მას უკვე მოვლილი ჰქონდა „სტრასბური“, „პარი სენ ჟერმენი“ და „ბორდო“ მუხლის ტრავმამ კარიერა დაასრულებინა. ამის შემდეგ ლომენეკი მწვრთნელობას შეუდგა და უნდა ითქვას, რომ ახალ სფეროშიც თავისი მებრძოლი თვისებები გამოამჟღავნა. ერთი სიტყვით, დღეს, როდესაც 1952 წელს დაბადებულ 52 წლის კაცს ახალგაზრდულ ნაკრებში მუშაობის ათწლიანი გამო-

ცდილება დაუგროვდა, მას შანსი ეძლევა თავისი მეთოდი ნაკრებში გამოსცადოს. „ჩემი ცხოვრება პირველივე დღიდან ფეხბურთისგან, ფეხბურთისგან და ფეხბურთისგან შედგება, — ამბობს ლომენეკი, — ხელბურთის თამაშს ვცადე, ფრენბურთისაც, მაგრამ საბოლოოდ მაინც ფეხბურთის ფანატიკოსად ვრჩებოდი“.

სხვათაშორის, როდესაც ლომენეკი „ლიონის“ სკოლაში მივიდა, რვა წლისა იყო, სხვა ბავშვებზე ორი წლით უმცროსი. „რომ შემხედეს, ამიყვანეს, მერე ხუთი წელიწადის გატარება ერთსა და იმავე ასაკობრივ ჯგუფში მომიხდა, მაგრამ გავიდა სამი წელიწადი და პროფესიულ გუნდში გადამიყვანეს“.

ეს მოხდა 1969 წელს, როდესაც ლომენეკი თევსმეტისა იყო. „ენტოუზიაზმისგან ვიწვებოდი და ენერჯის მოზღვაებას განვიცდიდი, პირველსავე თამაშში ძირითად შემადგენლობაში მოვხვდი და მას მერე თადარიგში არავის გადავუყვანივარ“.

სხვათაშორის საფრანგეთის ნაკრების მწვრთნელი ობიექტური კაცია: „ჩემნაირი, ფიზიკური და ტექნიკური თვალსაზრისით შეზღუდული მოთამაშისთვის მხოლოდ საკუთარი თავისა და რეპუტაციის შექმნა იქნებოდა გამოსავალი და რეპუტაციამაც არ დააგვიანა, თავიდანვე მერგო“.

და ლომენეკი მთელი შვიდი წლის განმავლობაში გახლდათ „ლიონის“ ერთ-ერთი წამყვანი ფიგურა. სამჯერ ითამაშა საფრანგეთის თანხის ფინალში და ერთხელ, 1973 წელს, მოიგო.

1977 წელს ლომენეკი „სტრასბურგში“ გადავიდა. აქ მან ხუთი წელიწადი დაჰყო, რვაჯერ ნაკრებშიც კი ათამაშეს და 79-ში საფრანგეთის ჩემპიონობაც დაიმშვენა.

1981 წელს ლომენეკი „პარი სენ ჟერმენში“ გადადის, მაგრამ მოვიანებით აცნობიერებს, რომ მოხვდა მაშინ ჯერ კიდევ დაუსრულებელ კლუბში, სადაც ყველა თავისთვის იყო.

„ორწლიანი კონტრაქტი მქონდა,

მაგრამ პირველი სეზონის მიწურულს პრეზიდენტი ფრანსუა ბორელიმთან მივედი და უთხარი: „თქვენ ორი წლისა წინასწარ გადაგხადეს, ახლა მანტრანტრანტს რამდენი მძარტებს. მეტად კვლავ დავრჩები, რადგან ვატყობ, მალე ან სხვა ფეხბურთელს ვცემ ან მწვრთნელს ვთხოვთ გამიმვით“.

გაუმეგ. ლომენეკი „ბორდოში“ გადავიდა, სადაც კიდევ ერთხელ გახდა საფრანგეთის ჩემპიონი.

„ბორდოში“ ორი წელიწადი გაატარე და ყოველდღე ემე ჟაკეს ვარჯიშებს ვაკვირდებოდი. „მული-უზში“ პირველ დღეს იცით რა მოხდა? ფეხბურთელები შეეკრიბე და ტყეში გავიქეცი. ხუთ წუთში უკან მხო მოვიხედე, დავინახე ისინი 200 მეტრით ჩამორჩენილან. გავცოფდი და მივხვდი, ეს უკვე მწვრთნელობა იყო“.

მწვრთნელობა .მწვრთნელობად, მაგრამ შედეგი? „მულუზი“ ოთხი წელიწადი ვახირობდა, პირველ დივიზიონში კი ვერ აღიოდა. 1988-ში ლომენეკი „ლიონს“ დაუბრუნდა, ხოლო ხუთ წელიწადში თავისი ქალაქის გუნდი მერე დივიზიონიდან წაიყვანა და ჩემპიონთა თასზე ათამაშა.

„1993 წელს დადლა ვიგრძენი. ჩემს კონტრაქტს ვადა გაუვიდა, განახლება კი არ მიხდოდა“.

ასე დამთავრდა ლომენეკის კარიერის მთელი მონაკვეთი და დაიწყო მესამე: 21 წლამდელოთა მწვრთნელის რანგში მან პირველი თამაში შევდებთან ფრედ დაასრულა. იმ გუნდში მწვრთნელს ზინედინ ზიდანი და კრისტოფ ლუგარი ჰყავდნენ. შემდეგ მის ხელში გაიარეს ტიერი ანრიმ, დავიდ ტრეზეგემ, მიკაელ სილვესტრმა, ლუი საპამ და ბრუნო პედრეტომ.

„ვიცი, ეს ფეხბურთელები დღეს დიდი ნაკრების ღონისანი არიან. მე მათ ყმაწვილკაცობისას ვწვრთნიდი და არც ახლა გამიჭირდება“.

და ბოლოს: კვირას რაიმონ ლომენეკი და მის მეგობარ ქალბატონს გოგონა შეეძინათ. ამბობენ მამიკომ ვიქტორია ანუ გამარჯვება დაარქვაო.

ბაბუნა კილია

ოტო მეფედ დარჩა გერმანელი, რომელიც ემოციამ დაჯახნა

საბერძნეთში ხალხი სიხარულით მეცხრე ცას სწვდა — ოტო რეჰაგელმა სამშობლო ბუნდესგუნდს, გერმანიის ნაკრებს გაძლოლაზე უარი შეუთვალა და 2006 წლამდე ელადში მუშაობა გადაწყვიტა



65 წლის რეჰაგელი გერმანელებს ეროვნული გუნდის შეფის თანამდებობაზე რუდი ფილერის შემცვლელად ეგულებოდათ, მაგრამ მან იმ ქვეყნის ერთგულება ამჯობინა, რომელსაც ახლახან ევროპის ჩემპიონობა მოაგებინა.

რეჰაგელს ამ ტრიუმფის შემდეგ ბერძნებმა „მეფე ოტო“ შერქვეს და თავიანთ ეროვნულ გმირად შერაცხეს. ბერძენმა ფეხბურთელებმა გერმანელის ერთგულება სიხარულით მიიღეს.

ნაკრებისა და იტალიური „რომას“ ცენტრალური მცველი ტრაიანოს დელასი: „უკიდურესად მნიშვნელოვანია ჩვენმა მწვრთნელმა დარჩენა რომ გადაწყვიტა“.

ნახევარმცველი კოსტას კაცურანისი: „ვერძნობ, რომ ერთ დიდ ოჯახად ცხოვრებას გავაგრძელებთ“.

სტელიოს იანაკოპულოსი: „ის ჩვენი ბიჭია, რომელმაც დაამტკიცა, რომ



ოტო რეჰაგელის საბოლოო უარმა ფრანც ბეკენბაუერი გააოცა

ეს გუნდი უყვარს და მისი სწამს“.

„გაოცებული ვარ. მე უკვე კონტრაქტის დეტალებზე საუბრისთვის ვეზადებოდი. ერთადერთი, რითაც უარს ვხსნი ემოციამ, ალბათ მის სად აზრს ჭარბმა გრძობამ სძლია“ — განაცხადა თავის მხრივ რუდი ფილერის შემცვლელის მთავარმა მატებარმა, გერმანიის საფეხბურთო

კავშირის კომისიის თავმჯდომარე ფრანც ბეკენბაუერმა.

შეგახსენებთ, რომ საბერძნეთის ნაკრები მსოფლიოს 2006 წლის ჩემპიონატის შესარჩევ ჯგუფში საქართველოს მეტოქეა და შეჯიბრებას 4 სექტემბერს ალბანეთში თამაშით ხსნის.

ბაბუნა კილია

განსაკუთრებული მეოთხე

დროგა მიყიდა და მოგცა



ერნან კრესპოს „მილანი“ სურს...

„ჩელსის“ ბოსებმა „მილანის“ წარმომადგენლები ლონდონში დაპატიყეს. მიზეზი: არგენტინელ ერნან კრესპოს ინგლისიდან იტალიაში სურს დაბრუნება. მან დაუფარავად განაცხადა, რომ ყოფილ მენტორთან, კარლო ანჩელოტისთან უნდა მუშაობა. შეგახსენებთ, რომ კრესპო ანჩელოტის ხელმძღვანელობით „პარმაში“ თამაშობდა. აღსანიშნავია, რომ კრესპოს მიმართ დიდი სიმპათია გამოხატეს მილანელებმაც

„თუ ერნანი ახალი კლუბის მოძებნას აპირებს, ხელს არ შეეშალოს — განაცხადა „ჩელსის“ ახალმა მწვრთნელმა ჟოზე მურინიუმ, რომელმაც, მოგეხსენებათ, მაისის მიწურულს „პორტუს“ ჩემპიონთა ლიგაში გაამარჯვებინა: „ძალიან არ მესიამოვნა პირველ დღეს ვარჯიშზე რომ არ მოვიდა, მაგრამ ერთი-ორი ბოდიში შემომითვალა და ეს ბოდიში მივიღე, ჩავთვალე, რომ შეურაცხყოფა დიდი არ ყოფილა. ახლა, უახლოეს დღეებში დავეხმობით და გადავწყვეტთ, რა უყუთ მას“.

აღსანიშნავია, რომ კრესპოს შემცვლელად „ჩელსიმ“ უკვე შეიგულა დიდი დროგა „მარსელიდან“. ასე რომ, უკვე ცხადია, რა თანხაზეც იქნება საუბარი — ალბათ, „ჩელსისთვის“ დროგას ყიდვა „მილანს“ მოუწევს.



— იონ დალ ტომასონს კრესპო

ზემოთ ვახსენეთ, რომ კრესპოს სერია A-ში თამაშის დიდი გამოცდილება აქვს. იგი იყო „პარმაში“, „ლაციოში“ და „ინტერში“, რის მეორე პრემიერლიგაში გადავიდა, მაგრამ იქ ტრავმებმა შეუშალა ხელი თავის გამოჩენაში.

ხოლო მილანელმა დანელმა, იონ დალ ტომასონმა მომავალი — ალბათ, ჯერ მაინც შესაძლო — თანაგუნდელის მიმართ დიდი სიმპათია გამოხატა:

„იმედი მაქვს, რომ კრესპო მილანში ჩამოვა, — თქვა ტომასონმა — ის განსაკუთრებული ფეხბურთელია და თითოეულ ჩვენგანს ძირითადად ადგილის მოსაპოვებლად კიდევ უფრო დიდი მონღობემა დასჭირდება. მომავალ სეზონში ვალდებულნი ვართ ყველაფერი მოვიგოთ“.

მოგეხსენებათ, „მილანმა“ ახალგაზრდა მარკო ბორიელი „რეჯინას“ მიაქირავა, რითაც მეოთხე თავდამსხმელის ადგილი გაუნთავისუფლდა. კრესპოსაც სწორედ ამ მეოთხე თავდამსხმელობას უპირებენ, ვინაიდან ზემოხსენებულმა ტომასონმა ევრო 2004-ზე თავი ისე გამოიჩინა, რომ ანდრე შევჩენკოსა და ფილიპო ინაგის შემდეგ მესამე სწორედ ის იქნება.

„ჯერ კიდევ გასული სეზონის მანძილზე ვამჩნევდი, რომ კლუბი და თანაგუნდელები მეტად მენდობოდნენ, რაც ჩემს პროგრესზე მეტყველებს და ეს ძალიან მახარებს. ძალიან ბედნიერი ვარ ევრო 2004-ის სიმბოლურ ნაკრებშიც რომ შემყვანეს“ — დასძინა ბოლოს დანელიმა.

დღე პირველი

პორტუგალიის რვაული

Portugal

Akhvlediani
George
Georgia
SARBIELI(GEO)

PRE

FINAL

Euro 2004

1 დარდი და სავდა

თუ „ემტადიო და ლუისკენ“ აღმოსავლეთიდან ან სამხრეთიდან მიდინარ მანქანით, ახალი ბენფიკას უბანზე გაჭრილ ფართო გზასა და ხიდს მიუყვები. ეს ისეთი ადგილია, რომ სწრაფად სიარული შეგიძლია დიდ კორპუსულ უბანში და პირველი ნიშნული ყაღაბი და მატყუარა იქნება: მხარმარცხნივ დაინახავ ძველ წარწერას და ძველი, შეუკეთებელი სტადიონის კიდეც.

სანამ იმას იფიქრებ, რომ ეს სხვა სტადიონია, ეგებ გაცეცხავ მოასწრო, რადგან კედელს უზარმაზარი ასოებით აწერია: „ემტადიო და... ეს მხოლოდ ლისაბონის უნივერსიტეტის ძველი სტადიონია. ასეა, როცა პირველად მიდინარ ლუისკენ. კი გინახავს ეს სტადიონი ფოტოზე და ეკრანზე, მაგრამ ლისაბონური სიციხით გაბეზრებული წამით მაინც მოტყუვდები. ამ ცრუნიშნულს შემდეგ ორი წუთი თუ გაივლი მანქანა მაღალ ესტაკადაზე შედგება და უეცრად, ისე, რომ არ მოელი, მხარმარჯვნივ რაღაც უზარმაზარი და მანათობელი ამოიზრდება, დიდი და თეთრი, ალისფერი კანტებით, ალისფერი მოაჯირებითა და ლობებებით. ამოიზრდება და კიდევ უფრო ამოდის და ამოდის, ისე, რომ სულ ხუთიოდ წამში გადმოჩნდება.

რდილავს შენს გზას და ახლა, პირდაპირი, საბოლოოდ მიხვდები, რომ მოხვედი ლისაბონის ორი ულამაზესი სტადიონიდან ერთ-ერთზე, „ლუისკენ“, რაც სინათლეს ნიშნავს და, მგონი, სხვა რაღაცასაც, რადგან ლუისკენი, იმ ლეგენდარული ქვეყნის მეფეც ყოფილა, ადრე რომ პორტუგალიის ადგილას გაფენილიყო და ლუისკენია რქმეოდა.

მაგრამ ახლა ლუისკენი ფეხბურთია. უზარმაზარი ოქროსფერი არნივი საპატიო ტრიბუნის შემოსასვლელის თავზე, უზარმაზარი ოქროსფერი არნივი და მის შორის ახლო ცოცხალი კაცის, ეუსებოსის თავმდაბლური, უპრეტენზიო ძეგლი, რა თქმა უნდა, მიგახვედრებთ, რომ ეს ლისაბონური კლუბის, პორტუგალიური ფეხბურთის ძველი მეთაურის, დიადი და ქალაქის ამ ნაწილში უპირობოდ გაბატონებული, „ბენფიკას“ საბრძოლო ადგილია.

აქედან სამ კილომეტრში, აღმოსავლეთით დგას არანაკლები იერიისა და კიდევ უფრო სამხრეთული ფერებით, მთლად მზეს მორგებული ხასხასა მწვანე, თეთრი და ყვითელი სამოსით მორთული „უშუე ალვალადე“, ანუ ალვალადე 21-ე, ანუ ახალი საუკუნის სტადიონი. ცხადია, „სპორტინგის“, „ბენფიკას“ მარადი მეტოქის სახლი.

თუმცა ორ ძველ მოქიშპეს ახლა მთავარი მტერი ჩრდილოეთში ჰყავს, რადგან პორტუგალიური საკლუბო ფეხბურთის დღევანდელი სახე „პორტუა“ და არა ძველი ლისაბონური გრანდები, მაგრამ მარად მეტოქეობას ძველ ქალაქში არაფერი მოსვლია: „ბენფიკამ“ შექმნა პორტუგალიური ფეხბურთის სახე, შუა წელი „სპორტინგმა“ იტვირთა; „პორტუმ“ კი საუკუნე დაასრულა და დაიწყო დიდებობა და სახელით. თუმცა, მიუხედავად „ემტადიო და ლუისკენ“, სრულიად ახალს, ევროპას ჩემპიონატისათვის აგებულს ძველი „ლუისკენი“ არცთუ ისე შორს. ძველი „ლუისკენი“ ახალზე მხოლოდ ეუსებოსს ძეგლი გადმოვიდა. ჩემპიონატის ორგანიზატორებს კი უნდოდათ, რომ მილანისთვის მიეზღებოდათ და ერთი გრა-

ნდიოზული სტადიონი აგებებინათ ახალ ბენფიკაში, რომელსაც „სპორტინგი“ და „ბენფიკა“ გაინაწილებდნენ, მაგრამ არ გამოვიდა. კლუბებმა იუარეს. არცერთი დათანხმდა ისტორიის გაერთიანებას და ერთ ჭერქვეშ მოქცევას. „ლუისკენი“ მორთულობა, სკამები, ხალვათი პოლფები და იარსები მხოლოდ ალისფერია, „ალვალადესი“ თეთრი და მწვანე. და ეშმაკმა წამილოს, ეს ძალიან ლამაზია. წარმოუდგენლად ლამაზი. საერთოდ, ევრო 2004-სთვის ნაშენები სტადიონები პორტუგალიაში ზღაპრული გამოვიდა. გადაკეთებულიც საოცარი. ერთადერთი ადგილი, სადაც მინდორს ძველ-მოდური სარბენი ბილიკები ჰყოფს ტრიბუნებისგან, კუი-მბრას საქალაქო სტადიონია, რომელიც ძველ ყაიდაზეა მოჭრილი. ავეიურში კი სრულიად ჯადოსნური სტადიონი აუშენებიათ, თითქოს მის ამშენებლებს კუბიკებით მოთამაშე ბავშვებისთვის უმზერიათო. ბრაგამში სულაც კლდეში გამოუკვეთიათ სასტადიონი ადგილი. ფერი ხომ ისედაც საუცხოო შემამკობელია პორტუგალიური სტადიონებისთვის. მზის ქვეყანაში ისინი ნათელი და შემტყვია. მთავარი კი მაინც „ემტადიო და ლუისკენი“ გამოდის — ფინალის ადგილი, სადაც დამარცხებულმა პორტუგალიის ნაკრებმა ყველაზე მეტჯერ ითამაშა.

სელესაო 04-ის მასპინძელი იყო პორტუს „დრაგაუსი“ და ნახსენები „ალვალადეც“, მაგრამ „ლუისკენი“ ყველაზე მეტი თამაში გამოვიდა. ბოლო მატჩამდე „ლუისკენი“ იღლიანი იყო მასპინძელთათვის. ბოლოს კი... მიუხედავად ყველაფრისა, ეს ფინალი ბერძნებსა და მასპინძლებს შორის უფრო პორტუგალიური ისტორია იყო, ვიდრე ბერძნული.


— მომისმინე, მეგობარო, სამი დღის წინ მე და ჩემი ორი ძმაც კი პარიზში ვსვამდით. საბერძნეთი ნახევარფინალში გავიდა და ავიკრიფეთ და წამოვედით. პორტუში ვიყავით, მთვრალეები. თამაშის წინ ინგლისელი ბიჭი იდგა და ფინალის ბილეთს 50 ევროდ ყიდდა. არ ვიყიდეთ. მთვრალეები ვიყავით. თან ჩეხები... ხო იცი ჩეხები? გა-



გააზნა კიდე

დღე უკანასკნელი

პინჩენსო მონტელა მატარებელს



მოვედით მოგებულები და ფინალის ბილეთებს აღარავინ ყიდდა. მე დავანგრეე მაგ სტადიონს, თუ ფინალის ბილეთი ვერ ვიშოველი-საბონში, — აი, ამ სამატარებლო ამბის და ათასი ასეთი ბერძნული ამბის მიუხედავად, იმის მიუხედავად, რომ ოტო რეჰაგელი და მთელი ამბავი, ეს უფრო პორტუგალიური ისტორია იყო, სელესაოს დამარცხების ისტორია და არა ბერძნების უნიკალური, მოულოდნელი, საოცარი გამარჯვებისა ევროპის ჩემპიონატზე, რომელსაც ჰყავს ტრადიციული ფავორიტები და ხალხიც ტრადიციულად მიუდგება ხოლმე: იტალია, საფრანგეთი, გერმანია და ასე. მაგრამ ჩემპიონატი პორტუგალიაში იყო და ბევრი რამ რომ სხვანაირად იქნებოდა, არა მხოლოდ საგუნდო და სათამაშო ვითარებანი მიახვედრებდა კაცს.

პორტუგალია არ იყო ტრადიციული საფეხბურთო მასპინძელი, ბოლო მაგალითები რომ მოვიშველიოთ, ვთქვათ, კორეის ყაიდის მასპინძელი. პორტუგალია მინდორს გარეთა მასპინძელი იყო, ანუ ნამდვილი, ადამიანური მასპინძელი. ხოლო მასპინძლობა პორტუგალიამ ისეთი იცის, რომ, მართალია, გოჭს არ დაგიკლავს, მაგრამ შემოგეგებება მზით, ადამიანური სითბოთი, სიმშვიდით, კაეშნით და გულწრფელი ხალხისით და შენც განიარაღებული ხარ.

თხუთმეტი ქვეყნიდან დაძრულ გულშემატიკივართა ლაშქრებში ძნელად მოძებნიდი ისეთ კაცს, რომელსაც არ ეთქვა, ჩემი გუნდის შემდეგ მასპინძლებს ვქომაგობო და ეს საკვირველიც იყო და მისახვედრიც, არ შეიძლება, ამ საოცარ ქვეყანაში რაღაცით არ აღნიშნო შენი მადლიერება იმ არაჩვეულებრივი გარემოსადმი, რომელშიც აღმოჩნდი.

12 ივნისი, პორტუ, „დრაგაუ“. პორტუგალიის ნაკრები გახსნის მატჩს აგებს ბერძნებთან, პირნიინდად, არეულად, განწირულად, რომ შეხედავ, პორტუგალია გუნდი არ არის. რომ დაფიქრდები, ამ დღის შემდეგ პორტუგალიისთვის ყველა თამაში ფინალის სწორია. პორტუგალიას ამოსუნთქვის სა-

შუალება აღარ ექნება. საერთოდ იოლი ჩანს, რომ მათ დაარტყა. პორტუგალიელთა თამაშს რომ უყურებ, მათი დაუცველობის, იოლად წაქცევის სურათი აშკარაა. მცველების უფარვისობაზე კი არ ვაზრობ, ზოგადად დაუცველობაზე. ამით ეგებ მივადგეთ კიდევ აქაური ხასიათის ერთ-ერთ თვისებას. ეს ძალიან განმცდელი და უთქმელი ხალხია, აქ არ არის ესპანური ხმამაღალი და თავზე ხელის აღება, კორიდაც კი უსისხლოა. გამოუთქმელი განცდა და მღელვარება. „დრაგაუზე“ მარცხის შემდეგ სულ უბრალო კაცი, სულ რიგითი გულშემატიკივარი პორტუში ერთადერთ სიტყვას გეტყვოდათ; ნერვები. ისინი ღელავენ, რომ ჩვენს თვალში, შინ თამაშობენ და იციან, რომ ჩვენ მათგან გამარჯვებას მოველით. ისინი ღელავენ. მღელვარება სახეზეა. მღელვარება მინდორზე ჩანს. გაივლის კიდევ ოცი დღე, პორტუგალიის ნაკრები უკვე ფინალში იქნება და ეს გამოუთქმელი, უცნაური მღელვარება პასუხისმგებლობის გამო, მშობლიური კედლების გამო, კიდევ ერთხელ იჩენს თავს და გულშემატიკივრები კვლავ იტყვიან: ნერვები.

თქვენ დაინახავთ, როგორ ტირის პატარა რონალდო, როგორ იკავებს კბილებით ქვედა ტუჩს ფიგუდა როგორ აგდია მოედანზე რუი კოშტა. ჩემპიონებს დააჯილდოვებენ, ატყედა ულაშაზის ფიფრევერკი, რუი კოშტა კი მოედანზე ჩამჯდარა და როდის-როდის, ვიღაცეებს გაახსენდებათ, წამოაყენებენ და გაიყვანენ. გინახავთ რუი კოშტას ფეხები? შიშველი ფეხები აუნერული ოდენობის ნახმლევეებით, სხვათა ფეხისა და ქირურგის დანის სამუდამო კვალით? ზის ეს კაცი, ვინც ყველაზე კარგად ითამაშა ფინალში და თითქოს მთელი პორტუგალიური ხასიათის სიმბოლოდ ქცეულა. ყველა შეთანხმდება: რუი კოშტას რომ თავიდანვე ეთამაშა, ფინალი სხვანაირად წავიდოდა. მაგრამ იქამდე ჯერ ძალიან შორია. წინაა პორტუს ცარიელი, მდუმარე ქუჩები 12 ივნისის საღამოს. უცებ დაცლილი „დრა-

გაუ“. ისე დაცლილი, რომ ვერ გაიგებ, სად გაქრა, როგორ მივიდა სახლამდე ამდენი კაცი. როგორ დაიკვცა ასე სწრაფად დროები და დაიმალა შარფები. და დუმილი, მთელს ქალაქში. და მთელს ქალაქში ეს უცნაური პორტუგალიური სიტყვა, სოდად, რომელიც არ ითარგმნება და რომელიც სწორედ ამასწინანდელ გამოკითხვათა მიხედვით მსოფლიოსათ უთარგმნელ სიტყვაში შესულა. შეიძლება ოცი მსგავსი რამ ჩამოვთვალოთ, ზუსტად მაინც ვერ ავხსნით ამ სიტყვას. სევედა, დარდი, უთქმელობა, მარტობა, კაეშანი, მელანქოლია, მაგრამ საგანგებოდ პორტუგალიური, რაც არ არის მხოლოდ სევედა, კაეშანი ან მელანქოლია. ეს არის ხასიათის ნაწილი.

ამიტომაც ვამბობ, ეს ჩემპიონატი პორტუგალიის დამარცხების ისტორიაა. სელესაოს დამარცხების ისტორია, რომელიც მიიღო და გადახარშა პორტუგალიურმა ხასიათმა. მიიღო ღირსეულად და უთქმელად და მოერია. როგორც სხვა ათასს მორევია. ეს უცნაური რამ იყო: ჩემპიონატი იმით დასრულდა, რითაც დაიწყო: ბერძენთაგან მასპინძელთა ძლევის ქვეყნის ჩრდილოეთისა და სამხრეთში, დღე პირველი და დღე უკანასკნელი, ორ სხვადასხვა სტადიონზე, იმ ადგილებში, სადაც დგას ჩემპიონთა თასის ასლები, პორტუგალიამ ორი თამაში წააგო, ამით შორის კი იყო ოთხი დიდი სახალხო დღესასწაული, გამოწვეული სწორედ პორტუგალიელთა გამარჯვებით.

წითელი, ყვითელი, მწვანე და ყველა სხვა დანარჩენი.

ალილუია! ალილუია! ალილუია! — ასე დასძახა გაზეთმა „ა ბოლამ“ მას შემდეგ, რაც პორტუგალიელებმა დაძლიეს ჰოლანდიელები და ფინალში გავიდნენ.

მაგრამ გმირები სხვები იყვნენ. უფრო სწორად, სხვები გამოდგნენ. თუმცა თავიდან სულ სხვები ეგონათ. ევროპის ჩემპიონატი საუცხოო იყო, თუმცა მას მაინც უნდა დავარქვათ რამდენიმე გუნდის დამარცხების ჩემპიონატი, პირველ რიგში კი მასპინძლებისა. ჩვენ კიდევ დავუბრუნდებით „ეშტადიო და ლუჟს“, ან თუნდაც აზორის უნძულს, სადაც სან მიგელის მოსახლეობა ყოველდღიურად ელოდა ერთადერთ რამეს, როდის გაიტანდა გოლს პაულეტა — პირველი კაცი ამ ოკეანეში დაკარგული ადგილიდან, სელესაოში რომ მოხვდა. აზორის ციკლონი კი ღელავდა, ვერ გაჰქონდა. ბოლოს ფინალში ელოდნენ, როცა სკოლარიმ თქვა, რომ მაინც ენდობა პაულეტას, ამიტომ მას გამოიყვანს თერთმეტ კაცში. პაულეტამ მაინც ვერ გაიტანა.

ეს ყველაფერი იყო და იმაზე მეტიც.

რა თქმა უნდა, დავუბრუნდებით „ეშტადიო და ლუჟს“, სადაც ფიფრევერკი იყო მზად და იფეთქა კიდევ. მაგრამ ეს სევედიანი ფიფრევერკი იყო. პეტარდების ფერები: წითელი, მწვანე და ყვითელი. პორტუგალია ელოდა გამარჯვებას. თუნდაც იმიტომ, რომ 12 ივნისის შემდეგ ყველა თამაში უნდა მოეგო და მოიგო ყველა თამაში, წვადებით, ოფლის ღვრითა და ომით.

გაგრძელება იქნება



იტალიური „რომას“ შემადგენლობაში იგი დიდი ხანა არ გამოჩენილა. მიზეზი კი მუხლის ის ტრავმა იყო, რის გამოც მას ორი თრთული ოპერაცია გაუკეთეს. მონტელას ჯვარედინი იოგები ჰქონდა გაწყვეტილი. ახლა კი 30 წლის ფორვარდი ამტკიცებს, ჯანზე ვარდა ძველებურადაც ავთამაშდებიო.

„ბოლო ორი თვე არანორმალური დატვირთვით ვვარჯიშობდი, რადგანაც მსურს, საუკეთესო ფორმა მალე დავიბრუნო. საბედნიეროდ, მუხლი აღარ მაწუხებს“ — ამბობს ვინჩენცი.

მოკეთებული რომელი დიდ გულზე კია, თუმც იტალიურ პრესაში

დღემდე იწერება, მისმა მატარებელმა უკვე ჩაიარა და ვინჩენცი უმალეს დონეზე თამაშს ვეღარ შეძლებსო. გენუის „სამპლორისას“ ყოფილი ფეხბურთელი ობონენტებს ასე პასუხობს:

„ბევრი მაკრიტიკებს. ამბობენ, რომ ყოფილი ვარსკვლავი ვარ და ჩემი შესაძლებლობების მაქსიმუმი უკვე გამოვაკლინე. რა ვუყოთ, პასუხს ყველას თამაშით ვაგეცემ. ახლა 30 წლის ვარ და ვვრძობ, „რომას“ კვლავაც მოუუტან სარგებელს“.

დღეს „რომა“ ახალი სეზონისთვის იწყებს მზადებას.

ბიორბი კაბაბაძე

ბირმინგემმა ჩელსი იყიდა იუსპერ ბრონკიამრი მელხიოტს დაეჭია

ინგლისურმა „ბირმინგემმა“

დანიელი ნახევარმცველი იესპერ გრონკიამერი გადაიბირა და ორწლიანი კონტრაქტი გაუფორმა.

პრემიერლიგული კლუბის გაცხადებით, დანიელის სანაცვლოდ „ჩელსის“ 2 მილიონ 200 ათასი გირვანქა გადაუხადეს.

გუნდებს შორის გარიგება ჯერ კიდევ ევროჩემპიონატის მსვლელობისას შედგა, მაგრამ ბირმინგემელები ფეხბურთელთან ჯამაგირზე ვერ თანხმდებოდნენ — ახლა ყველაფერი მოგვარდა.

გრონკიამერის წაყვანა ესპანურ „სევილიასაც“ სურდა, თუმც გუნდის მენეჯერმა გადაიფიქრა.

„ბირმინგემმა“ ამ ზაფხულს უკვე მესუთე ფეხბურთელი შეიძინა. აქამდე ემილ ჰესკის, მაზი იზეტის, დანიელის ჩელსელ თანაგუნდელ მარიო მელხიოტისა და „კრისტალ პალასის“ ჯულიან გრეის გადაყვანა მოასწრეს.

„ძალიან მომეწონა სტივ ბრიუსის საქმისადმი — „ბირმინგემის“ მწვრთნელი — დამოკიდებულება



და დარწმუნებული ვარ, წარმატებული სეზონი გვექნება“ — განაცხადა ბოლოს ახალი კონტრაქტით ხელდამშვენებულმა იესპერ გრონკიამერმა.

გაზა ხუციშვილი



გარიგება! მსაჯები უპიკითით უსტვენენ?



ეს კაცი მარცხი გაბრუნებდა — შემწვეულია ვარიგებაში

გუშინ სერია A-ს ორი მსაჯი მარცხი გაბრუნებდა და ლუკა პალანკა არალეგალურ ტოტალიზატორებთან კავშირში ეჭვმიტანილებად ცნეს და ფეხბურთის დროებით ჩამოაცილეს — ისინი დისკვალიფიცირებულნი არიან.

გაბრუნებულ და პალანკამ გასულ სეზონში დაახლოებით 46 მატჩი იმსაჯეს. მათ გარდა, ამ ამბავში ფეხბურთელები და კლუბების ხელმძღვანელებიც ყოფილან გარეულნი, სულ კი 12 კაცი.

„დისკვალიფიკაცია ასეთ დროს სტანდარტული პროცესია — განაცხადა იტალიის მსაჯთა ასოციაციის პრეზიდენტმა ტულიო ლანეზემ — საქმე ძიებაშია და ეჭვმიტანილთა შესახებ ჯერ ვერაფერს ვიტყვი.“

ერთი სიტყვით, იტალიაში ახალი სკანდალი გორდება და ვაი, მისი ტყავის ბრალი, ვისაც მაქინაციებში შეამჩნევენ.

გაგა ხუციშვილი

ჯილარდინო ბარკლის ჯილაა



პარმას ფერარი გაეჩხა

იტალიური „პარმას“ ბოსეზმა განაცხადეს, რომ ალბერტო ჯილარდინოს, დანიელე ბონერას და სებასტიან ფრეის ტრანსფერზე არ დააყენებენ.

ამ ზაფხულს სამივე ფეხბურთელის გადაბირების მსურველი რამდენიმე კლუბი გამოჩნდა, მაგრამ ვალენში ჩაფლულმა პარმელეებმა მოთამაშეების შენარჩუნება მაინც გადაწყვიტეს.

„გარწმუნებთ, რომ ჯილარდინოს

არ ვყიდით და მის თაობაზე მოლაპარაკებას არავისთან ვაწარმოებთ“ — თქვა კლუბის დირექტორმა ლუკა ბარალდომ და დასძინა, რომ ფრეი და ბონერაც გუნდში რჩებიან.

ალბერტო ჯილარდინო, ვინაც იტალიის ახალგაზრდულ ნაკრებს ევროჩემპიონობა დიხაჯა, რომ მოაპოვებინა „რომას“, „იუვენტუსს“ და მადრიდის „რეალის“ თითქოს სურდათ, მაგრამ მათგან პარმელებს

კონკრეტული შეთავაზება არ მიუღიათ.

ერთადერთი, ვინც გუნდიდან წავიდა, მცველი მატეო ფერარი გახლავთ, იგი „რომაში“ გადაბარდა. „მისი ტრანსფერი საბოლოოდ მომავალ კვირაში მოგვარდება“ — აღნიშნა ბარალდომ.

ფერარი „რომას“ ახალი მწვრთნელის, ჩეხარე პრანდელის წლეულს პირველი შენაძენია.

გაგა ხუციშვილი

ლუა ლუა პორტსმუთზე გადამირია



პრაიმერლიგურმა „პორტსმუთმა“ გუშინ ორ ფეხბურთელთან გააფორმა კონტრაქტი: ლომანა ტრეზორ ლუა ლუა და დევიდ ანსუორთი ოფიციალურად გახდნენ ჰარი რედნაპის შეგირდები.

ლუა ლუა „ნიუკასლის“ მოთამაშე იყო და იგი გასულ სეზონში ოთხი თვით იყო განათხოვრებული რედნაპის გუნდში. კონგოელმა ფორვარდმა ფანების დიდი სიმპათია დაიმსახურა, იქაურებს თავი მოაწონა და საბოლოოდ, სამწლიან კონტრაქტსაც გამოჰკრა ხელი, ანუ პორტსმუთელებმა ფეხბურთელი საბოლოოდ გამოისყიდეს.

„ის ფიზიკურად ძალიან ძლიერია, სწრაფია და კარგი პასი აქვს — განაცხადა მწვრთნელმა ჰარი რედნაპმა — გულშემატკივრებს უყვართ და მიხარია, რომ აქ დარჩა.“

30 წლის მცველი დევიდ ანსუორთი კი „ვევერტონში“ თამაშობდა და „პორტსმუთში“ თავისუფალი აგენტის სტატუსით გადავიდა. „მე ყოველთვის ევერტონელად დავრჩები, რადგან „გუდისონ პარკზე“ 12 წელი გავატარე, მაგრამ ჩემი ბედით ახლაც კმაყოფილი ვარ, რადგან რედნაპთან მუშაობა სასიამოვნოა“ — თქვა ანსუორთმა.

გაგა ხუციშვილი

ინგლისური „ლივერპულის“ ახალ თავაკაც რაფაელ ბენიტესს თავისი ყოფილი შეგირდის, მისტას გადაბირება სურს. ფორვარდმა „ვალენსიასთან“ კონტრაქტი არ გაახანგრძლივია, მაგრამ ესპანელები მის დატოვებას ყველანაირი ხერხით ცდილობენ. „ვალენსიას“ წარმომადგენლებმა განაცხადეს, მისტას მხოლოდ იმ შემთხვევაში გავეყიდით, თუ ინგლისელები სანაცვლოდ ჩვენ მიღან ბაროსს მოგვცემენ, რაიც მერსისაიდელთა ხელმძღვანელობამ უმაღლე იუარა.



იტალიური „ინტერის“ ახალგაზრდულ მწვრთნელ რობერტო მანინის მცველ სინიშა მიხაილოვიჩის გადაბირება უნდა. სერბი სინიშა უფულო „ლაციოსთან“ კონტრაქტის გახანგრძლივებას არ აპირებს და მზადაა, ყოფილი მასწავლებლის წინადადება მიიღოს. „ზარს უფრო კლუბის ხელმძღვანელობისგან ველი. მანინის უკვე ვესაუბრე, ახლა მთავარი „ინტერის“ შეფთა სურვილია“ — განაცხადა მიხაილოვიჩმა.

ინგლისური „ვევერტონის“ თავაკაცი დევიდ მოიესი ყველანაირად ცდილობს, უეინ რუნი შეინარჩუნოს. „ვევეროპის საუკეთესო ახალგაზრდა ფორვარდზე უარი რატომ უნდა ვთქვა? მაქსიმალურად ვეცდები, რუნი გუნდში დავტოვო“ — განაცხადა მოიესმა. იცით, ლივერპულელებმა თავის ვარსკვლავს ახალი, ხუთწლიანი კონტრაქტი შესთავაზეს. ხოლო, თუ რუნი მაინც დატოვებს „გუდისონ პარკს“, „ვევერტონი“ მის შემცვლელად ბრემენის „ვევერდერის“ ბერმენ თავდასხმულ ანგელოს ხარისტიასს გადაბირებს.

უნბრამიის ეროვნული გუნდის გერმანელმა მწვრთნელმა ლოთარ მათეუსმა განაცხადა, მზად ვარ მშობლიური ნაკრები ჩავიბარო. „თუ საჭიროდ ჩამთვლიან, გერმანიას აუცილებლად დავეხმარები. საკუთარი თავის მჯერა და ვიცი, ფეხბურთელები ჩემს რჩევებს მიიღებენ. ვფიქრობ, ვენაში, ბელგრადში და უნგრეთში მუშაობამ სათანადო გამოცდილება შემძინა“ — თქვა მათეუსმა.

არგენტინელ დიეგო მარადონას 17 წლის ვაჟი, უმცროსი დიეგო ამიერდანი ინგლისურ „ბლექბერნში“ იბურთავებს. იგი აქამდე მამამისის ყოფილ კლუბ „ნაპოლის“ ახალგაზრდულ გუნდში თამაშობდა. „მარადონა უმცროსი კარგი ფეხბურთელია, ის ჩვენს კლუბში ითამაშებს. აშკარაა, რომ ნეაპოლში დიეგო სერიოზულ ფსიქოლოგიურ ზეწოლას განიცდის და მისთვის უკეთესია, ძალები სხვაგან მოსინჯოს“ — განაცხადა „ბლექბერნის“ მწვრთნელმა გრემ სუნესმა.

ინგლისური „ტოტენჰემის“ ახალ თავაკაც ჟაკ სანტინის არგენტინელ კილი გონსალესის შექენა აქვს გადაწყვეტილი. ერთი წლის წინ ნახევარმცველი მილანის „ინტერმა“ კლუბის მაშინდელი მწვრთნელის, ექტორ რაულ კუპერის თხოვნით იყიდა „ვალენსიისგან“. კუპერის წასვლის შემდეგ კი კილი არც ისე ხშირად ხვდებოდა „ნერო-აპურის“ ძირითადში.

უკრაინულმა „შახტარმა“ ბრაზილიელ ფრანსელინო მატუზა-ლემის ყიდვის შემდეგ სერია A-ს კიდევ ერთ მცველს, კიევიელ ანდრეა ბარდალის დაადგა თვალი. 23 წლის ფეხბურთელი იტალიის ახალგაზრდული ნაკრების წევრია და ამასწინათ, გერმანიაში დასრულებულ ევროპის ჩემპიონატის მოგებაში მისი წვლილიცაა. ბარდალის გადაბირებით თურმე, მილანის „ინტერიც“ ყოფილა დაინტერესებული. „მსურველები არიან, მაგრამ კონკრეტული წინადადება ჯერ არ მიგვიღია“ — აღნიშნა „კიევის“ სპორტულმა დირექტორმა ჯოვანი სარტორიმ.

ინგლისურმა „ასტონ ვილამ“ ლონდონის „ჩელსისგან“ თავდასხმელი კარლტონ კოული ერთი სეზონით ინათხოვრა. „კარლტონი ძალიან ახალგაზრდა და პერსპექტიული ფეხბურთელია, მისი გადაბირება არაერთ კლუბს სურდა. მოხარული ვარ, რომ ყველას ჩვენ ვაჯობეთ“ — განაცხადა ბირმინგემელთა პრეზიდენტმა ბრიუს ლენგემმა. შევახსენებთ, რომ კოული გასულ სეზონში „ჩარლტონში“ იყო განათხოვრებული.

უველეთი	ფინეთი
ალსვენსკა. XI ტური	ვეიკაუსლიგა. XIII ტური
ელფსაორბი 1:0 აიკ	კტა 1:1 ჯაჰი
გიოტეპორბი 2:0 ტრელეპორბი	ტა-47 2:0 ჰაამელინა
ჰალმსტადი 2:2 იორბრიტა	ტურკუ 1:0 მიუსა
ჰელსინგორბი 0:0 იორბორი	ჰაკა 14 8 4 2 26:8 28
კალმარი 1:1 ლანდსკრონა	ინტერი 13 8 2 3 30:18 26
ჰალმსტადი 11 7 3 1 26:13 24	ალიანსი 13 7 3 3 18:14 24
ჰამარბი 11 7 2 2 12:7 23	ტურკუ 14 7 2 5 22:18 23
მალმიო 11 5 5 1 16:5 20	ჰიკ 14 5 7 2 23:15 22
კალმარი 11 5 4 2 15:10 19	ტამპერე 11 6 3 2 14:7 21
გიოტეპორბი 11 5 3 3 11:6 18	კტა 13 5 4 4 18:16 19
სუნდსვალი 11 3 5 3 10:10 14	ტა-47 12 5 3 4 17:13 18
იურგორენი 10 3 4 3 14:15 13	ლაპტი 14 3 8 3 16:18 17
იორბრიტე 12 2 6 4 12:16 12	ჯაჰი 13 4 3 6 22:24 15
ელფსორბი 11 3 3 5 8:15 12	მიუსა 11 3 3 5 10:16 12
იორბორი 11 3 3 5 12:21 12	როვანიემი 13 2 2 9 12:30 8
ლანდსკრონა 11 2 4 5 12:16 10	იარო 12 2 1 9 12:27 7
აიკ 11 2 4 5 6:11 10	ჰაამელინა 13 1 3 9 13:29 6
ტრელეპორბი 11 2 3 6 7:13 9	
ჰელსინგორბი 11 1 5 5 14:17 8	

ამსანაგური მატჩი
 აზო 1:1 აოლონეთი
 0:1 ვლოდარჩივი (76), 1:1 ბოკანგრა (88)

სარბიელი & კროკო

ნარბიელი

სსპა სახის ფსონებს გაეცნოებით აღვიღვა

1 X 2 1-X 1-2 X-2								1 X 2 1-X 1-2 X-2							
აუსტრია. ბუნდესლიგა. I ტური 13 ივლისი 21.30 175 ტიროლი-გრაცერი 2,9 3,2 2,25 1,52 1,26 1,32 14 ივლისი 21.30 176 აუსტრია-ადმირა 1,3 4,6 8,0 1,01 1,11 2,92 21.30 177 ბრეგენცი-რაპიდი 2,6 3,2 2,4 1,43 1,24 1,37 21.30 178 ზალცბურგი-პაჰინგი 2,3 3,2 2,8 1,33 1,26 1,49 21.30 179 შტურმი-მატერსბურგი 1,75 3,3 4,2 1,14 1,23 1,84								ბრაზილია. სერია A. XV ტური 13 ივლისი 03.30 268 კორინთიანსი-კრიკიუმა 1,9 3,2 3,5 1,19 1,23 1,67 03.30 269 ფიგეირენსე-პარანა 1,5 3,6 5,6 1,05 1,18 2,19 03.30 270 გრემიო-კრუსეირო 2,3 3,2 2,7 1,33 1,24 1,46 03.30 271 გუარანი-ინტერნასიონალი 2,25 3,2 2,8 1,32 1,24 1,49 03.30 272 ჟუვენტული-ფლუმინენსე 2,0 3,2 3,3 1,23 1,24 1,62 03.30 273 პაისანდუ-პონტე პრეტა 2,3 3,1 2,8 1,32 1,26 1,47 03.30 274 ატლეტიკო მნ-ვიტორია 1,8 3,3 3,6 1,16 1,19 1,72 03.30 275 ატლეტიკო პრ-გოიასი 1,9 3,2 3,5 1,19 1,23 1,67 03.30 276 ვასკუ და გამა-კურიტიბა 1,65 3,3 4,8 1,1 1,22 1,95 04.45 277 ბოტაფოგო-პალმეირასი 2,7 3,2 2,3 1,46 1,24 1,33 04.45 278 სანტოსი-ფლამენგო 1,4 3,8 7,0 1,02 1,16 2,46 04.45 279 სან კაეტანო-სან პაულუ 2,15 3,2 3,0 1,28 1,25 1,54							
შვედეთი. ალსვენსკა. XI ტური 14 ივლისი 22.00 189 იურგორდენი-მალმიო 2,15 3,2 3,1 1,28 1,26 1,57								ჩემპიონთა ლიგა 13 ივლისი 20.00 308 სლიემა-კუნასი 2,8 3,1 2,3 1,47 1,26 1,32 22.00 309 პობედა-პიუნიკი 1,4 4,0 6,5 1,03 1,15 2,47 22.15 310 შიროკი ბრიევი-ნეფთხი 1,3 4,2 8,0 1 1,11 2,75							
ფინეთი. ვეიკუსლიგა. XIV ტური 14 ივლისი 19.30 213 როვანიემი-პაამეენლინა 1,9 3,2 3,5 1,19 1,23 1,67 15 ივლისი 19.00 214 მიუპა-კტპ 1,7 3,3 4,4 1,12 1,22 1,88 19.30 215 ტპ 47-ლაპტი 2,1 3,2 3,1 1,26 1,25 1,57 19.30 216 იარო-ტამპერე 3,3 3,2 2,0 1,62 1,24 1,23								14 ივლისი 18.00 311 ვიტ ჯორჯია-პბ 1,15 5,0 10,0 1 1,03 3,33 19.00 312 ვომელი-ტირანა 1,6 3,5 4,8 1,09 1,2 2,02 19.30 313 სკონტო-რილი 1,15 5,6 11,0 1 1,04 3,71 20.00 314 ფლორა-გორიცა 2,6 3,1 2,4 1,41 1,24 1,35 21.00 315 შერიფი-უენესი 1,15 5,6 11,0 1 1,04 3,71 22.45 316 ლინფილდი-პიკ 3,1 3,1 2,15 1,55 1,26 1,26 24.00 317 რეკიავიკი-შელბურნი 2,05 3,1 3,3 1,23 1,26 1,59							
ისლანდია. პრემიერ დივიზიონი. XI ტური 13 ივლისი 23.15 226 ვესტმანაეიარი-გრინდავიკი 2,0 3,2 3,3 1,23 1,24 1,62 23.15 227 ვიკინგური-ფრამი 1,9 3,1 3,6 1,17 1,24 1,66 23.15 228 კეფლავიკი-აურერი 2,3 3,0 2,9 1,3 1,28 1,47								უეფას თასი 13 ივლისი 19.00 320 აშტარაკი-პონვედი 3,1 3,1 2,15 1,55 1,26 1,26							
რუსეთი. პრემიერლიგა. XVI ტური 14 ივლისი 15.00 247 სატურნი-შინიკი 1,6 3,3 5,3 1,07 1,22 2,03															

კოპა ამერიკა 2004. აგერის თასი 2004. ჯგუფური ტურნირი

1 X 2 1-X 1-2 X-2								I ტაიმის შედეგი							
13 ივლისი 02.30 015 მექსიკა-ეკვადორი 1,6 3,5 5,0 1,09 1,21 2,05 04.45 016 არგენტინა-ურუგვაი 1,55 3,5 5,6 1,07 1,21 2,15								13 ივლისი 5015 მექსიკა-ეკვადორი 1,9 2,3 5,3 1,04 1,39 1,6 5016 არგენტინა-ურუგვაი 1,8 2,3 6,0 1 1,38 1,66							

გაიტანს თუ არა ორივე გუნდი მატჩში გოლს (პირითადი დრო)	
კი	არა
13 ივლისი	
5315 მექსიკა-ეკვადორი	1,65 ----- 1,95
5316 არგენტინა-ურუგვაი	1,6 ----- 2,0

რომელი გუნდი ბასნის მატჩში ანგარიშს (მატჩის 0-ი ლაინაჟების შემთხვევაში, ორივე უსწრე წახალაქ ნაითხლავა)	
13 ივლისი	
5415 მექსიკა-ეკვადორი	1,45 ----- 2,8
5416 არგენტინა-ურუგვაი	1,45 ----- 2,8

1-ლი ტაიმი/ძირითადი დრო.	1/1	1/X	1/2	X/1	X/X	X/2	2/1	2/X	2/2
13 ივლისი									
5115 მექსიკა-ეკვადორი	2,2	10,0	20,0	3,5	4,8	8,5	20,0	10,0	7,5
5116 არგენტინა-ურუგვაი	2,1	10,0	20,0	3,5	4,8	9,0	20,0	10,0	8,0


რამდენი გოლი გავა მატჩში. (პირითადი დრო) (2,5-ზე ნაკლები - 2,5-ზე მეტი)	
13 ივლისი	
5215 მექსიკა-ეკვადორი	1,7 ----- 1,9
5216 არგენტინა-ურუგვაი	1,65 ----- 1,95

რომელ ტაიმში გავა მეტი გოლი		
	I-ში	თანაბრად II-ში
13 ივლისი		
5515 მექსიკა-ეკვადორი	3,0	2,8 ----- 2,0
5516 არგენტინა-ურუგვაი	3,0	2,8 ----- 2,0

შესაძლო ცვლილებები აღვიღვა დააზუსტებით

ბრაიკოვიჩმა ხუთი ჩააბლო მანამდე ხუთი გააბლო

დრაჟენ ბრაიკოვიჩი აქეთ ეროვნულ ნაკრებს ამზადებს იტალიური ტურნირისთვის, იქით „დინამოს“ სატრანსფერო საქმეებსაც უძღვება. ვიცე-ჩემპიონებმა ახლახან ჩვენი ჩემპიონატის ოთხი მონინავე კალათბურთელი დაითანხმეს კონტრაქტზე, გუშინ კი კიდევ ერთი რიგიანი მოთამაშე, „ბასკოს“ ხელჩუბინი გამთამაშებელი ირაკლი ბერიშვილიც შეიმატეს



დრაჟენ ბრაიკოვიჩი

მურამ დოლენჯაშვილის ფოტო

ქართული კლუბების საერთო გაჭირვების ფონზე დინამოელთა აქტიური სატრანსფერო საქმიანობა, გონდა, არ გინდა, თვალშისაცემია. დინამოელთა გარდა, სადღეისოდ არც ერთ გუნდს არ დაუწყია მომავალი სეზონისთვის სამზადისი. უმრავლესობამ ჯერ ისიც კი არ იცის, ითამაშებს თუ არა ეროვნულ ჩემპიონატში. ამ დროს კი „დინამოს“ ბაზაზე ეროვნული ნაკრების შეკრება მიმდინარეობს და ხანგამოშვებით იმ მოთამაშეთა ვინაობასაც ვიგებთ, რომლებიც რიგრიგობით ირგებენ ბრაიკოვიჩისეული „დინამოს“ მაისურას. შეგახსენებთ, რომ „დინამომ“ უკვე გაუშვა 5 მოთამაშე. ვანო აბულაძე, ზურაბ ჩუბინიძე, დავით მუსკუდიანი, რამაზ გოგობერიშვილი და ხორვატიისგან მრავალჯერის ნაკრები არჩილ უდენტი ბრაიკოვიჩმა გუნდიდან დაითხოვა, თქვენს ადგილებზე უკეთესი ბიჭები მყავს შეგულებული.

ბმაც ბრაიკოვიჩს მომავალ სეზონში სანატრელი ჩემპიონობა უნდა მოუტანონ. დავით ბერძენიშვილი, შიო ხეცურიანი, ზვიად ბაბიაშვილი, გიორგი ნიკოლაძე და ახლახან შემატებული ირაკლი ბერიშვილი. „კონტრაქტი ჯერ არ გამიფორმებია. საერთოდაც, ჯერჯერობით არავის გაუფორმებია კონტრაქტი, დინამოელი მხოლოდ სიტყვიერი შეთანხმებით ვაგვხდ. ხელშეკრულებას ალბათ ყველას ერთად გაგვიფორმებენ. ჩემი აზრით, ეს 15 ივლისისთვის მოხდება. 3 აგვისტოს კი „დინამოს“ შეკრება იწყება“ — გვითხრა ფინალურ სერიაში „დინამოს“ სამქულიანებით დამბობავმა ექსპასკოელმა ირაკლი ბერიშვილმა. მამ ასე, „დინამომ“ ხუთკაციანი როქი გააკეთა — ამბობენ, ბრაიკოვიჩის სატრანსფერო საქმიანობა ჯერ არ დასრულებულა, დიდმის ბაზა ძველი შემადგენლობის კიდევ ორმა კალათბურთელმა უნდა დატოვოს...
ირაკლი ბერძენი



ფინალურ სერიაში ირაკლი ბერიშვილმა დინამოელებს ბევრი სამქულიანი ჩაუგდო

მურამ დოლენჯაშვილის ფოტო

კალათბურთის ჩემპიონატის უმსარჩვეო ტურნირი

ამალიადა, საბერძნეთი


საქართველო 53:80 ისრაელი

ქართველმა კადეტებმა გუშინ მორიგი მარცხი იწვნეს, ამჯერად ებრაელებისგან. ეს იყო ბოლო მატჩი საკვალიფიკაციო ჯგუფში, რომელიც პლეი ოფს მიღმა დარჩენილმა გუნდებმა შეადგინეს. მას შემდეგ, რაც პირველი ჯგუფური ეტაპიდან ვერ გავიდნენ, ქართველებს სხვა ჯგუფებში ჩარჩენილებთან მოუხდათ ბრძოლა A კატეგორიის

გუნდებში დასარჩენად. ჰოდა, ჩვენები ისევ ყოფნა-არყოფნის ზღვარზე არიან. ნიკო ჩერქეზიშვილის გუნდმა „სანუგეშო“ ჯგუფში მხოლოდ გერმანიას აჯობა, ხორვატიასთან და ისრაელთან ვერაფერს გახდა და ახლა ბელგიელების დამარცხება სჭირდება, ძლიერთა შორის რომ შეინარჩუნოს ადგილი.

ნაცვლიშვილს საფრანგეთი მიუსაჯეს არადა, ბორჯომი უნდა...

საქართველოს ნაკრების კაპიტანმა ვახტანგ ნაცვლიშვილმა ფილტვის ოპერაცია გაიკეთა და დღეს-ხვალ დიკონის კლინიკიდან გამოწერენ. ფრანგმა ექიმებმა ჩინებულად გაართვეს თავი საქმეს და ვატოც უკვე ნულ-ნულა ფეხზე დგება. ფილტვის გაჯანსაღებას ყველაზე მეტად სუფთა ჰაერი უხდება, ვატოც ბორჯომის ხეობაში ყოფნას ნატრობს, მაგრამ... ექიმებმა მას თვითმფრინავით მგზავრობა აუკრძალეს



მურამ დოლენჯაშვილის ფოტო

— ორი დღეა, რეანიმაციიდან გამომიყვანეს, ხვალ ან ზევ საავადმყოფოდანაც გამწერენ — გვითხრა გუშინ ვახტანგ ნაცვლიშვილმა, დიკონის კლინიკაში რომ შევეხმინეთ — საბედნიეროდ, ოპერაციამ კარგად ჩაიარა და ახლა ყველაფერი ნორმალურადა.

— ფეხზე როდის გაივლი? — უკვე შემძლია წამოდგომა, მაგრამ მკაცრი წოლითი რეჟიმით დამიწესეს, ათასნაირ ვიტამინებს და კერძებს ვჭამ, კარგად გავსუქლები ალბათ.

— თავს როგორ გრძობ, ფილტვი ამუშავდა?

— არა მიშავს, თუმც ტკივილები ჯერაც მაწუხებს. ამხელა ოპერაცია გადავიტანე და ასე მოკლე დროში ჯერ ვერ გამოვჯანმრთელდები. ფილტვმა უკვე დაიწყო თავისი ფუნქციის შესრულება და მალე ალბათ ჩვეულ რიტმში ჩაღვება.

— ჯერ ძალიან ნაადრევია, მაგრამ მოედანს როდის დაუბრუნდები?

— მინიმუმ ერთი თვე რომ ვერ მოვახერხებ, წყალი არ გაუვა. ოპერაციაზე რთული ხომ რეაბილიტაციაა. ჰოდა, გაანია, როგორ წავა გაჯანსაღების პროცესი, ფილტვი რამდენად სწრაფად აღიდგენს ფუნქციას. თანაც ამდენ ხანს უმოდროდ ყოფნით წონაც მომემატება და კუნთებიც დამისუსტდება. ვარჯიშის თავი რომ მექნება, კარგა ხანი ფორმის აღსადგენად დამჭირდება. თუმც მანამდე შორია, ჯერ ფილტვი უნდა გამომიჯანმრთელდეს.

— სარეაბილიტაციო პერიოდს სად გაატარებ?

— ჩემი ნება რომ იყოს, მანდ ჩამოვიდოდი და სულ ბორჯომის ხეობაში ვიქნებოდი. ფილტვის ყველაზე კარგი მკურნალი ხომ სუფთა ჰაერია, მაგრამ საქართველოში ვერ ჩამოვდივარ, თვითმფრინავით მგზავრობა ამიკრძალეს, არაჯანსაღი ფილტვისთვის სიმაღლე თურმე დამლუპველად მოქმედებს.

ირაკლი ბერძენი

მბროლია მოსკოვის დროზე გადავიდა


გუშინ მოსკოვში მომავალი ევროლიგის კენჭისყრა გაიმართა. ამ ამბისთვის რუსთა მთავარქალაქი იმიტომ შეირჩა, რომ სწორედ ის მასპინძლობს ევროლიგის მომდევნო გათამაშების ოთხთა ფინალს და გუშინდელი ღონისძიებაც იმ დარბაზში შედგა, სადაც მომავალი წლის გაზაფხულზე ბეური კონტინენტის უძლიერესი გუნდი გამოვლინდება. „ნოვი მანეჟი“ ტურნირის მონაწილე გუნდების უფროსობასთან ერთად შეიყარა რუსეთის სპორტული ნაღები — ალექსანდრ ბელოვი, ანდრეი კირილენკო, რა თქმა უნდა, ცსკა-ს პრეზიდენტი ალექსანდრ გომელსკი და ჭადრაკში მსოფლიოს ექსჩემპიონი ანატოლი კარპოვი.

კენჭისყრასთან ერთად ევროლიგის ორგანიზატორებმა გათამაშების ახალი ფორმატი წარმოადგინეს. გუნდებისა და ჯგუფების რაოდენობა არ შეცვლილა, ეგაა, მეორე ჯგუფური ეტაპიდან ოთხთა ფინალში გასასვლელად საპლეიოფო მატჩების გამართვა გახდება საჭირო ორ გამარჯვებამდე. გათამაშებაში 24 გუნდი ჩაებება, რომლებიც 3 ჯგუფში გადანაწილდებიან. მეორე ჯგუფური ეტაპზე გასული 16 გუნდი ოთხ ოთხგუნდა ჯგუფს შეაგებს, ხოლო 8 საუკეთესო ერთმანეთს პლეი ოფში დაეჯახება და გამარჯვებულები მოსკოვში ითამაშებენ ოთხთა ფინალს. ევროლიგას ორი დებიუტანტი ეყოლება — პოლონური „პროკომი“ და ესპანური „ესტუდიანტესი“...


A ჯგუფი	B ჯგუფი	C ჯგუფი
ესტუდიანტესი (ესპანეთი)	ვილერბანი (საფრანგეთი)	ბენეტონი (იტალია)
სკიპერი (იტალია)	მაკაბი (ისრაელი)	პანათინაიკოსი (საბერძნეთი)
ციბონა (ხორვატია)	აეკ (საბერძნეთი)	ტაუ (ესპანეთი)
პროკომი (პოლონეთი)	ოლიმპია (სლოვენია)	ულქერი (თურქეთი)
რეალი (ესპანეთი)	ბარსელონა (ესპანეთი)	პო ორტევი (საფრანგეთი)
ოლიმპიაკოსი (საბერძნეთი)	ჟალგირისი (ლიტვა)	უნიკახა (ესპანეთი)
ეფესი (თურქეთი)	სიენა (იტალია)	ცსკა (რუსეთი)
	სტავოლინი (იტალია)	სკაილაინერზი (გერმანია)



იულია ღუბინა



მარიამ ქვეციშვილი



დავით ილარიანი

ელექტროლიტების დაფიქსირება

ამ დღეებში ეროვნულმა სტადიონმა საქართველოს ჩემპიონატს უმასპინძლა. თექვსმეტი ქალაქის ცხრაშედი გუნდის მძლეოსანთა შორის იყვნენ ახლახან აზერბაიჯანის ჩემპიონატზე ოლიმპიადის სალიცენზიო ნორმატივის შემსრულებლები მარიამ ქვეციშვილი და იულია ღუბინა.

ცნობის მანც ვერავენ მოითხოვდა.

საკმაოდ ადვილად ირემპიონეს ქვეციშვილმა და ღუბინამაც, მაგრამ ბაქოური შედეგი ერთმაც ვერ გაიმყარა. ამის უმთავრეს მიზეზად მძლეოსნობაში ჩახედულმა ხალხმა უამინდობა დაასახელა. ჩემპიონატი ისეთი წვიმით დაიწყო, ერთხანს მისი გაგრძელებაც სათუო გახდა. ამის კვალობაზე, სამხმტომელ იულია ღუბინას შედეგმა მოწონება დაიმსახურა. იგი 13,55 მეტრზე გადახტა და კაცების სამეულშიც კი შევიდა. ქალეში კი იულიას კონკურენტი არც ჰყოლია.

18 წლის ბირთვის მკვერელმა მარიამ ქვეციშვილმა 15,71 მეტრით მის მიერ თბილისში ნაჩვენები საუკეთესო შედეგი გააუმჯობესა და მეორეადგილოსან ნინო ელიზბარაშვილს ლამის სამი მეტრით აჯობა.

სხვათაგან განსაკუთრებით გამოსარჩევია 20 წლის დავით ცუცქერიძის წარმატებული გამოსვლა. ამ ბორჯომელ ბიჭს თამამად შეიძლება ეწოდოს ჩემპიონატის აღმოჩენა. 100 და 200 მეტრზეც საუკეთესო იყო (10,5 და 21,6 წამით) და სივრცეზე ხტომაშიც (6,65 მეტრი). ყურადღება მიქცევს 16 წლის თბილისელმა მარიამ ინაშვილმა და 20

წლის მარტივლელმა ზურაბ გიგაიამ. პირველმა 100 და 200 მეტრ დისტანციებზე ოქრო-ვერცხლი მოიგო, ხოლო მეორემ ბირთვი და ბადრო კონკურენტზე ბევრით შორს გადააგდო.

ერთხელაც შეგვახსენა თავი უბერებელმა ზიგმუნდ ზილბერშტიინმა. 38 წლის ახალციხელმა მორბენალმა ცალკე ვერა, მაგრამ შვილებთან ერთად კი იმარჯვა. 4x400 მეტრზე სირბილში ზილბერშტიინების სამეულმა და ალექო მურჯიკენელმა ჩემპიონობა არაყის დაუთმეს. ლუდვიგ და გიგლა ზილბერშტიინებმა 800 და 1500 მეტრ დისტანციებზე ვერცხლი და ბრინჯაოც მოიგეს.

ზიგმუნდ ზილბერშტიინი ტურნირის უხუცესი მონაწილე სულაც არ იყო. ძველმა გვარდიამ ძირითადად ზუთკილომეტრიან გარბენში მოიყარა თავი. ოქრო ზიგმუნდის კბილა ჰამლეტ მამიკონიანს ერგო, ხოლო ბრინჯაო სულაც 51 წლის შალვა ნადირაძეს.

ბირთვისმკვერელთათვის განკუთვნილი სექტორის კუთხეში ვაჟთა შეჯიბრისას ჩემპიონობის ერთ-ერთი უმთავრესი ფავორიტი მამუკა ტულუშიც ტრიალებდა, მაგრამ ბირთვისთვის ხელი არ უხვლია. გუშინ იგი იტალიაში, მსო-

ფლიოს ახალგაზრდულ ჩემპიონატზე გაემგზავრა და რომ არ გადალლილიყო, დასვენება არჩია. იტალიაში ტულუშის გარდა ქვეციშვილიც იასპარეზებს. ტურნირის შესახებ სრული ინფორმაციის მისაღებად მძლეოსნობის ფედერაციის პრეზიდენტ თამაზ მდინარაძეს მივმართეთ.

— იტალიურ გროსეტოში, მსოფლიოს ახალგაზრდულ ჩემპიონატზე საქართველოს ღირსებას ორი ბირთვისმკვერელი დაიცავს. მამუკა ტულუში 13 ივლისს დაიწყებს, მარიამ ქვეციშვილი კი 16-ში.

— მათ შანსებს როგორ შეაფასებთ?

— ორივესგან ფინალში გასვლას ველო. დმერთმა ქნას, იქაც იმარჯვონ.

— ტულუშს არ ჰქონდა ათენის ლიცენზიის მოპოვების შანსი?

— მამუკა მომავალ ოლიმპიელად მიიჩნევა. იგი ჯერ საკმაოდ პატარაა და ბირთვიც, რომლითაც იგი გამოდის, წონით შედარებით მსუბუქია.

— ქვეციშვილისთვის კი ალბათ ტურნირი ოლიმპიადის სამზადისად ითვლება.

— რა თქმა უნდა. იგი საუკეთესო ფორმაში ოლიმპიადისთვის უნდა ჩადგეს. სამისოდ კი სერიოზული მუშაობაა საჭირო.

— აგვისტომდე სხვა საერთაშორისო ტურნირზეც ზომ არ გამოვა?

— არა მგონია. იტალიიდან დაბრუნებული ალბათ უკვე საქართველოს რომელიმე კურორტს მიამშურებს მოსამზადებელი ციკლის გასაგრძელებლად.

— მეორე ლიცენზიანტის, იულია ღუბინას გეგმები როგორია?

— მას ალბათ ოდესაში გავუშვებთ სავარჯიშოდ.

— ორი ლიცენზია უკვე გვაქვს. რამდენად რეალურია IAAF-ისგან შესაძლებლობის შანსი?

— გამორიცხულია. საერთაშორისო ფედერაცია ორ ველურ ბარათს მხოლოდ იმ ქვეყნებს აძლევს, რომლებსაც თავისით არც ერთი არა აქვთ მოგებული.

— ესე იგი, მორბენალ დავით

ილარიანს მცირე შანსიდა რჩება?

— სალიცენზიო ნორმატივის შესრულება აუცილებლად 30 ივლისამდე ჩატარებულ ტურნირებში უნდა მოხდეს. ახლა სწორედ ასეთ ტურნირებს ვეძებთ.

— გამომჩნდა რამე ვარიანტი?

— ჯერ მხოლოდ ის ვაკვივთ, რომ 29 ივლისს ბელარუსში ტარდება ტურნირი, მაგრამ დღეს ვკითხვრეს, რომ ელექტრონიკასთან დაკავშირებით შექმნიათ პრობლემა. რამდენიმე დღის წინ ჩატარებულ შიდა პირველობაზე ელექტრონულ მოწყობილობას მხოლოდ ერთი დღე უმუშავია. სხვა ვარიანტებსაც ვეძებთ. იმედია, ილარიანს შეჯიბრს გამოვუძებნით.

— ქვეციშვილისა და ღუბინას ლიცენზიები IAAF-ს ოფიციალურად ჯერ არ დაუდასტურებია. როდის ჩამოვა ბეჭდინი ფურცელი?

— დღეს ვესაუბრე საერთაშორისო ფედერაციას და მითხრეს, საბუთები მზადდება. როგორც ჩანს, აზერბაიჯანიდან გაგზავნილი შედეგები ჯერ განხილვის სტადიაშია, თუმც ნაკლებად მოსალოდნელია, რამე შეიცვალოს.

ოთარ მაღლაკალიძე



თამაზ მდინარაძე



მარიამ ქვეციშვილი

ნარსულზე დარდი შარდს გაჰყვა

CAMPBELLS HALL OF FAME TENNIS CHAMPIONSHIPS
ნიუპორტი. ბალახი. საპრიზო 380 ათასი \$



ფინალი

ბრანდ რუხენცი (ბრიტანეთი) — ალექსანდრ პოპი (7, გერმანია) 7:6 (7:5), 7:6 (7:2)

31 წლის გრეგ რუხენციის წლეულს რამდენიმე თვე რომ გაუცდა, ვინძორ თქვენც გახსოვდეთ — მას აკრძალული პრეპარატის, ნანდროლონის მოხმარება ბრალდებოდა და მანამ, სანამ საქმე ბოლომდე გაიკვეთა, ღივი კორტიდან მოიკვეთა კიდეც.

მერე კი შარდში ჩახედულმა ხალხმა ცხადყო, რომ ნანდროლონი მის ორგანიზმში შეიძლებოდა ლე-

გალური საკვები დანამატების გზითაც მოხვედრილიყო და გრეგს ისევე მწვანე შუქი აუნთეს.

ოღონდ იტულებითმა უქმობამ მას კვალი მაინც დააჩნია და შებერებულ ბრიტს კიდევ რამდენიმე თვე დასჭირდა სასურველ ფორმაში შესასვლელად. მანამდე კი მან როლანდგაროსობის პირველ წრეში ჩაიფლავა, იმავე ეტაპზე ილია სტელარტულობაზეც, ნოტინგემში შარშან მოხვეჭილი ტიტული უკვე მეოთხედფინალშივე დათმო და უიმბლდონზეც მერე წრიდან გავარდა.

სამაგიეროდ, ყველაფრის ჯავრი მან ნიუპორტულ ბალახზე იყარა, სადაც 1993 წელს კარიერის პირველი ტიტული მოენაგრა და 1994 წლის მერე ჩოგანი აღარ გაექნია.

ამ ტურნირამდე მსოფლიო რეიტინგის 110-ე საფეხურზე მდგომმა კუნძულელმა შეჯიბრი ჯიგრიანად, აღმაფრენით ჩაატარა და დაძაბულ ფინალში აჯობა უიმბლდონის მეოთხედფინალისტ ალექსანდრ პოპს.

ეს რუხენციის მეოთხემეტე საკარიერო — და 1993 წელს იქვე ნაშონ ტიტულს 1997 და 2003 წლებში ნოტინგემში მოხვეჭილსაც თუ მივათვლით — მეოთხე საბალახსაფრო ტიტულია. სხვათა შორის, მოქმედ მქონენთაგან ბალახზე მისდარად ბუერ, 78 მოგებას ვერავენ დაიკვეხს.

ისე კი, ამ ნიუპორტობამ მის პირად ბიუჯეტს 52 ათასი დოლარიც არგო.

შვედეთისლია პირველობა

ბასტადი. თიხნარი. საპრიზო 375 ათასი €

ნახმპარფინალი


ბასტონ ბაუდნი (2, არგენტინა) — რობინ სოფერლინი (შვედეთი) 6:4, 6:2; მარიანო საბალეტი (8, არგენტინა) — ფერნანდო გონსალესი (6, ჩილე) 6:1, 6:4

ფინალი

საბალეტი — გაუდიო 6:1, 4:6, 7:6 (7:4)

წვიმიანობის გამო ტურნირის განრიგმა ერთი დღით გადმოინაცვლა და ფინალური შეხლაც კვირის მაგიერ გუშინდა ვიხილეთ. შარშანდელმა ჩემპიონმა მარიანო საბალეტამ წლეგანდელი როლანდგაროსობის მომგებ თვისტომს ტოლი არაფერში დაუდო, კოჭიც არაფერში გაუგორა და კარიერის მესამე ტიტულიც დასტურ დაამსახურებლად ირგუნა. სხვათა შორის, ღია პირველობათა ეპოქაში ბასტადურ თიხნარზე ზედიზედ ორჯერ გაჩემპიონებას მხოლოდ შვედები — ბიორნ ბორგი (1978-79), მატს ვილანდერი (1982-83) და მაგნუს გუსტაფსონი (1991-92) — ახერხებდნენ.

სახელიან შვედებთან გატოლებამ კი საბალეტი 51 400 ევროთი მოაღონიერა.



ამ კვირას ჩოგბურთის საერთაშორისო დიდების დარბაზში კიდევ სამი ლეგენდარული მქონენე აღზევდა — ამერიკელი დოროთი, „დოდო“ ჩეინი, ვინაც 1938 წელს გახდა პირველი ამერიკელი, ავსტრალიის ღია პირველობაზე რომ იმარჯვა, და ჩვენებოქელნი — გერმანელი შტეფი გრაფი და შვედი შტეფან ელბერგი, რომელნიც ერთობლივად 149 საერთოელო და 28 სლემტიტულს მოიძვევენ.

შტეფის წარდგენა მის რვაგზის სლემტიტულსან არმწონამერიკელ მეულე ანდრე აგასის დაევალა და მანაც ეს ამოცანა მისთვის ჩვეული დახვეწილობით შეასრულა.

„როცა ვცდილობდი, მეპოვნა სიტყვები იმ პიროვნების წარსაღვენად, ვინც მთელი ჩემი ცხოვრება შეცვალა, მიგზვდი, რომ რაღაც ახალი სიტყვები უნდა შემერჩია — ერთდროულად ტევადიც, ლამაზიც და მართალიც საიმისოდ, რათა ზედმიწევნით ზუსტად გამომეხატა ამ, ჩემი უსაყვარლესი ქალის შინაგანი მშვენიერება“ — თქვა ანდრემ.

ამ სიტყვებმა შტეფის ენა დაუბა და მას გარკვეული დრო დასჭირდა, რათა მოზღვავებული ემოციები დაემორჩილებინა — როცა გესმის, თუ რა საოცრად უყვარხართ, თავის შეკავება ყოველთვის ძნელიაო. მერე მეუღლეს კონტრსაღვერძელოთიც მიუგო: „ჩემი საჩოგბურთო კარიერის უმთავრესი მიღწევა ის არის, რომ მან შენი თავი მაპოვნინა.“

შტეფის აღზევებას ანდრეს გარდა მისი მამა პეტერი, დედა ჰაიდი და ძმა მიხაელიც ესწრებოდნენ.

ჩვენ კი შეგახსენებთ, რომ ა) მას დიდი მუზარადის 22 ტურნირზე უმარჯვია — აქედან ოთხჯერ ავსტრალიის ღია პირველობაზე, ექვსჯერ როლანდგაროსზე, შვიდჯერ უიმბლდონზე და ხუთჯერ აშშ-ის ღია პირველობაზე; ბ) ის ერთადერთი მქონენეა, ვისაც სულ მცირე

შტეფი და შტეფანი



განდილებული: შტეფი გრაფი და შტეფან ელბერგი

ოთხჯერ მაინც აქვს მოგებული დიდი მუზარადის ოთხივე ტურნირი; გ) 1988 წელს მან სეულის ოლიმპიადის გარდა ოთხივე სლემტიტურნირი მოიგო, რაც ქალმქონენთაგან მის გარდა მხოლოდ ამერიკელ მორინ კონოლისა (1953) და ავსტრალიელ მარგარეტ კორტს (1970) მოჰხერხებიათ.

რაც შეეხება შტეფან ელბერგს, ის მისმა ამაგადრმა მწვრთნელმა ტონი პიკარდმა წარადგინა.

თუკი ვინმეს ამ 38 წლის შვედის დამსახურებათა შესახებ მხოლოდ ყურმოკვრით სმენია, მის გასაგონად მოვიგონოთ, რომ დიდების დარბაზში აღზევება მან დიდი მუზარადის ექვს ტურნირზე გამარჯვების, 72 (არაზედიზედი) კვირის განმავლობაში ამქრის პირვე-

ლოსობისა და კიდევ იმის გამოც დაიმსახურა, რომ სხვა შვედ მქონენებთან ერთად ოთხჯერ იმარჯვა დევისის თასზე.

თავის სეფესიტყვაში ელბერგმა განსაკუთრებული მადლობა უთხრა მის ლეგენდარულ თვისტომ ბიორნ ბორგს — ის ჩემი იდეალი და უმთავრესი შემგულიანებელი იყო.

ისე კი გეტყვით, რომ წლეულს დიდების დარბაზში აღზევების 50-ე წლისთავი იყო და ნიუპორტში ამასთან დაკავშირებით 50-მდე დიდებულმა მოიყარა თავი.

ასეთი ნიჭიერება ერთ ადგილას იშვიათად თუ გროვდება, ხუმრობდა ამასთან დაკავშირებით ელბერგი და, ღია ღმერთო, არც გაემტყუნებოდა.

ლევან კელაშაძე

ფედერაციის თასი ეპოთხადფინალი

ნაპრატილობა გაიჩაღიხა

მსაბნო — გელპია 3:2 (0:2)

ანაპელ მადინა ბარბოსი — ელს კალენსი 6:4, 6:0; მბრია სანჩეს ლორენსო — კირსტენ ფლიპენსი 6:3, 6:4; შირხინია რუანო პასკუალი, მადინა ბარბოსი — კალენსი, ფლიპენსი 6:3, 6:2

პირველ დღეს ელს კალენსთან ძლეული ვირხინია რუანო პასკუალის ნაცვლად ესპანელებმა საერთოელოდ მარია სანჩეს ლორენსო გაამწესეს და მანაც სეტისწაუგებლად დაიმორჩილა 18 წლის კირსტენ ფლიპენსი. ფლიპენსისგან გაიმასქნებულმა ანაპელ მედინა გარიგესმა კი ასევე სეტისწაუგებლად იმავე ელს კალენსს მოუგო. მოკლედ — ესპანურმა მდებრიონმა ანგარიშის გათანაბრება შეძლო და შეხლის ბედიც წყვილთა მატჩით გაიკვია. მედინა გარიგესს რუანო პასკუალი შეეჯუფთა და მათ ერთობ იოლად სძლიეს კალენსისა და ფლიპენსის ბოლომდე დახარჯულ ტანდემს. ამ გოგონათა ცოდვა კიმ კლასტერსისა და ჟუსტინ ენენ-არდენის ტრავმირებულ კისრებზე!

იტალია — საფრანგობი 2:3

ვიკტორ დეპს — 0:2)

ფრანჩესკა სკიაგონე — აშილი მორემო 6:7 (2:7), 2:6; სილვია ფარინა ელია — ემილი ლუა 6:3, 2:6, 6:2; ტატიანა ბარბინი, როზარტა ვინჩი — ტატიანა გოლოვინი, მარი პირსი 6:0, 7:6 (7:5)

ამელი მორესომ თავისი ზედიზედ მეორემეტი საფედთასო გამარჯვება მიითვალა და შარშანდელ ჩემპიონებს ნახევარფინალში შეუძღვა. დარჩენილ ორ მატჩს აღარავითარი აზრი არ ჰქონდა და უმოტივაციო სტუმრებს თავი აღარ მოუკლავთ.

ავსტრალია — აშშ 4:1 (1:1)

ბარბარა შტი — ჩანდა რუბინი 6:3, 6:2; ბარბარა შტი — ლიზა რეიმონდი 7:6 (7:3), 4:6, 10:8; შტი, პატრისია ვარტუში — მარტინა ნავრატოლოვა, რეიმონდი 6:3, 0:6, 6:0

47 წლის მარტინა ნავრატოლოვამ იმდენი ქნა, სანამ თავისი პირველი საფედთასო მარცხი არ გაიჩაღიხა. ეს ლეგენდარული ბანოვანი ამ ტურნირზე 1975 წლიდან გამოდიოდა და აქამდე გამართულ ორმოც საკენტო თუ საწყვილო შეხლაში ერთხელაც არ ძლეულიყო. ახლა კი ამასაც მოვესწარით.

ისე კი, ამ ავსტრო-ამერიკული შეხლის ბედი მასპინძელი ბარბარების — შეტისა და შვარცის ბარაქიანმა გარჯამ გადაწყვიტა. პირველმა უპრობლემოდ დათრგუნა წლეულს თითქმის უთამაშებელი ჩანდა რუბინი, მეორისა და ლიზა რეიმონდის განდაგანამ კი სამ საათს გასტანა.

ბრაზილია — გუსპი 1:4 (1:1)

ხისელა დულკო — ანასტასია მისკინა 1:6, 5:7; მარიანა დას-ოლივა — ვირა ზვიონარიშა 3:6, 0:6; დულკო, პატრისია ტარაბინი — ელიანა ლინოვცევა, სპიტლზენ პუზნეცოვა 2:6, 7:5, 4:6


თუ პირველ დღეს ხისელა დულკოს მერე სვეტლანა კუნეცოვას ძლევა იმის ილუზია შექმნა, რომ რუს ქალებს მაგრად უნდა გასჭირებოდათ, ანასტასია მისკინას ორმა დამაჯერებელმა მოგებამ მის გუნდს აწლილი ბალანი დაუმშვდა და ნერვიულობისგან იხსნა. ამის მერე ვერა ზვონარიშას მარიანა დას-ოლივას დამარცხება დღავადაც არ ეყო. ვაგლან.

პოლონეთის პრეზიდენტის პრიზიც ჩვენია

კიდევ ერთი წარმატება იზეიმეს ჩვენმა ახალგაზრდა წყალბურთელებმა, რომლებიც პოლონეთის პრეზიდენტის პრიზზე ვარშავის საერთაშორისო ტურნირში მონაწილეობდნენ.

— ამ შეჯიბრებაზე მხოლოდ ძლიერებს იწვევენ, ჩვენ კი ასეთად აქამდე, ბუნებრივია, არ მიგვიჩნევდნენ. ეს საქმე მეორე მწვრთნელმა ირაკლი კაკალიშვილმა და ვეტერანმა წყალბურთელმა დავით რურუამ თავიანთი პირადი კონტაქტების წყალობით გაჩარხეს — გვითხრა ვარშავაში გამგზავრებამდე საქართველოს წყალბურთელთა ახალგაზრდული ნაკრების უფროსმა მწვრთნელმა იოსებ მაისურაძემ. ისიც დასძინა, ფეიქრობ, ვარშავაში თავს არ შევირცხვენთ, რის მერეც ტურნირის ორგანიზატორები პირადი კონტაქტების გარეშეც სიამოვნებით მიგვიწვევენ და თბილისის მერიის კულტურისა და სპორტის საქმეთა სამსახურის ხელმძღვანელთა მიერ ჩვენადმი გაღებულ ხარჯებსაც გავამართლებთ.

მაისურაძეს იმედები ვარშავაში გაუმართლდა. იქ ჩვენების გარდა გამოდიოდნენ გერმანიის, შვედეთის, ბულგარეთის, ბელარუსისა და მასპინძელი პოლონეთის გუნდები. ჩვენმა წყალბურთელებმა ყველანი და-



იოსებ მაისურაძე

ამარცხეს და პოლონეთის პრეზიდენტის პრიზიც მოიგეს.

ამას გარდა, თორნიკე თოდაძე ტურნირის საუკეთესო მეკარედ აღიარეს, ხოლო ბექა ქენჭაძემ ბომბარდირისთვის განკუთვნილი პრიზი დაიმსახურა.

ჩვენს წყალბურთელებს სექტემბერში გასამართი ევროპის ჩემპიონატის ფინალურ მატჩებამდე სტამბოლის საერთაშორისო ტურნირიც ელით, სადაც გაცილებით ძლიერ გუნდებთან დღეში ალბათ ორ-ორი შეხვედრის გამართვა მოუწევთ.

ავთანდილ ხაჭიფილი

ჭაჭრაბი

მსოფლიოს ჩემპიონატი

ლიბია, ტრიპოლი 18 ივნისი — 13 ივლისი

ფინალი მამაკაცთა შორის

რუსტამ კასიმჯანოვი (უზბეკეთი) — მაიკლ ადამსი (ინგლისი) 0,5:0,5
საერთო ანგარიში 3:3

ინგლისელი უზბეკს ორჯერ დაენია

ჩემპიონის გამოსავლენად ექვსმატიანი საფინალო სერია არ აღმოჩნდა საკმარისი და ოქროს მედალოსნის ვინაობას მეტოქეები დღეს ტაი-ბრეიკებში გაარკვევენ.

ფინალურ სერიაში კი საკმაოდ საინტერესოდ განვითარდა მოვლენები. კასიმჯანოვი ორჯერ იგებდა, თუმცა ინგლისელმა ორჯერვე შეძლო ანგარიშის გათანაბრება და საქმე გადათამაშებამდე მიიყვანა. მიუხედავად იმისა, რომ ფინალი იყო და კასიმჯანოვიც კარგად თამაშობდა, სპეციალისტთა უმრავლესობა გაჩემპიონებას მაინც ადამსს უწინასწარმეტყველებდა, მაგრამ როგორც იცით, ასე არ მოხდა და უზბეკმა მორიგი მცირე სენსაცია გამოაცხა. ბოლო მატჩში

მას თეთრი ფიგურები ერგო. კასიმჯანოვმა მე-5 სვლაზე როკი გააკეთა და თეთრების ფლანგის გაძლიერებას შეუდგა. იერიში ადამსმა წამოიწყო. იგი მსუბუქი ფიგურებით მიესია უზბეკის ჯარს. კასიმჯანოვი მტერს მომზადებული დაუხვდა, დაცვაში ყურადღებით ითამაშა, ფიგურები სწორად გაუცვალა ინგლისელს და 27-ე სვლაზე პაიკი მოიგო. ხარისხით წინ გასულმა უზბეკმა ფიგურების გაცვლა გააგრძელა, თან ლაზიერით საკუთარი პაიკების გაყვანასაც შეეცადა, თუმცა ერთდროულად ორივე საქმე აღარ გამოუვიდა და 44-ე სვლაზე ინგლისელს მეგობრულად ჩამოართვა ხელი.

ლუზა გაგეიპორი



რუსტამ კასიმჯანოვი და მაიკლ ადამსი

მრავალწლიანი იტულებითი ტაიმ-აუტის შემდეგ, როგორც იქნა, ქართველ მოცურავეებს ჩემპიონატი ედირსათ.

„ლაგუნა ვერეს“ კომპლექსში გამართული ეს ჩემპიონატი ოდინდელ შეჯიბრებებს ვერც მასშტაბებით და ვერც მიღწევებით ვერ შეედრება, მაგრამ უძრაობა ხომ უნდა დამთავრებულიყო.

ასე იყო თუ ისე, ჩემპიონატში 110-მდე მონაწილემ მოიყარა თავი. ისინი თბილისის, ბათუმის, გორისა და რუსთავის წარმომადგენლები იყვნენ. თავის მხრივ, თბილისელთაგან სტარტზე გამოვიდა თბილისის ოლიმპიური მომზადების ცენტრის 60, „ლაგუნა ვერეს“ კომპლექსის აღსაზრდელთა 12, „სპექტრის“ (ტრანსპორტის სამინისტროს) 10 და ოლიმპიური რეზერვების ცენტრის სპორტსკოლის 7 მოცურავე, ამდენივე სპორტსმენი გამოიყვანეს ბათუმელებმა და რუსთაველებმა, ხოლო გორი ხუთი მოცურავეთ იყო წარმოდგენილი.

შედეგები, რა თქმა უნდა, ძალზე დაბალი იყო. უკეთესს არც არავინ ელოდა, რადგან შეუფერხებლად თბილისშიც ვერ მუშაობს აუზები და, აბა, სხვაგან რა იქნება. ამასთან, ბათუმელებს, რომლებსაც მშვენიერი 50-მეტრიანი საცურაო აუზი ჰქონდათ, უკეთესის აშენების დაპირებით წლების წინათ დაუნგრეს, დაპირება კი, რაღა თქმა უნდა, დაპირებად დარჩა.

ახლა ბათუმელები რაღაც სარეაბილიტაციო ცენტრის არასტანდარტულ, პატარა დეკორატიულ აუზში ვარჯიშობენ.

როგორც საქართველოს ნაკრების უფროსმა მწვრთნელმა მანანა ზამბახიძემ გვითხრა, ბათუმელები მის მიერვე შეგულებული, სპორტში სამსახურ მიტოვებულ და ცურვაში დაბრუნებულ ალექსანდრე ცინცაძის მეთაურობით მეორე წელია, ვარჯიშობენ.

ზამბახიძე ამ შეჯიბრების მერე

ჩემპიონატი გასოცხლებული



ვანო ლეკვაშვილი

იმედინადაა, აი, ნახათ, უახლოეს წლებში ბათუმელებს რამდენი კარგი მოცურავე გვეყოლებაო. გორელებს ერთი ნორმალური, 25-მეტრიანი აუზი აქვთ, რომელიც დიდხანს უქმად იყო, მაგრამ ახლა ამუშავდა და თავისი არსებობა ამ ჩემპიონატში იქაური მოცურავეების გამოსვლით შეგვახსენა.

საქართველოს ჩემპიონატში თავი ყველაზე მეტად გამოიჩინა თბილისელმა ვანო ლეკვაშვილმა (ოლიმპიური მომზადების ცენტრი), რომელმაც პირველად შეასრულა სპორტის ოსტატის ნორმატივები. ეს მან 50 მეტრზე გულადა (30,45) და 100 მეტრზე ბრასის სტილით ცურვაში (1:06,9) შეძლო, სადაც ჩემპიონობა იზეიმა. მანვე ოსტატობის კანდიდატის შედეგით გაიმარჯვა 100 მეტრზე თავისუფალი სტილით (53,93) ცურვაში. ხოლო 200 მეტრზე ბრასით (2:30,37) პირველი თანრიგის შედეგით იყო უძლიერესი.

ამ შეჯიბრებაზე შედარებით მაღალი მაჩვენებლები ჰქონდათ ირაკლი რევიშვილსა და ოლეგ ფეიქრიშვილს (ორივე თბილისი), რომლებმაც სპორტის ოსტატის კანდიდატის შედეგები აჩვენეს. პირველმა ასეთი შედეგით გაიმარჯვა 1500 მეტრზე თავისუფალი სტილით ცურვაში (16:34,56), ხოლო მეორემ 100 და 200 მეტრზე გულადა ასპარეზობაში (შესაბამისად — 1:00,59 და 2:13,09).

სამწუხაროდ, მათ გარდა ამ ნორმატივს ვერავინ შესწავდა. გოგონათა შორის თავი ყველაზე მეტად გამოიჩინა სოფო თვედლორამე, რომელმაც 50 და 100 მეტრზე გულადა ცურვაში (შესაბამისად — 33,59, 1:13,4), აგრეთვე 100 მეტრზე თავისუფალი სტილით ასპარეზობაში (1:07,59) I თანრიგის შედეგებით იმარჯვა.

ავთანდილ ხაჭიფილი

ჰანსენმა პიტაჯიმა ურემორდოდ დატოვა



ბრენდან ჰანსენი

ლოზ ბიჩში, ამერიკის მოცურავეთა საოლიმპიადო შესარჩევ შეჯიბრებაზე ბრენდან ჰანსენმა მეორე მსოფლიოს რეკორდით დაამყარა, ამჯერად 200 მეტრზე ბრასის სტილით — 2:09,04. აქაც, ისე როგორც 100-მეტრიან დისტანციაზე, მან იაპონელ კოსუკე კიტაჯიმას ჩამოართვა რეკორდი.

მაიკლ ფელპსმა, რომელიც 11 სახეობაში ცდილობს გამარჯვებას, 400 მეტრზე კომპლექსური და 200 მეტრზე თავისუფალი სტილით ცურვის შემდეგ 200 მეტრზე ბატერფლაით ასპარეზობაშიც გაიმარჯვა. იგი ამ უკანასკნელ სახეობაში 150 მეტრამდე მსოფლიოს რეკორდის გრაფიკს უსწრებდა, მაგრამ ბოლოს ტემპი შეანედა, თუმცა პირველობა მაინც მოიპოვა. მას ოქროს მედალი თვით მარკ




მარკ სპიცი და მაიკლ ფელპსი

სპიცმა გადასცა, რომლის მიუნხენური რეკორდის გაუმჯობესებასაც ფელპსი ათენში აპირებს, რაც, სულ ცოტა, რვა სახეობაში გამარჯვებას გულისხმობს. დაჯილდოების ცერემონიის მერე სპიცმა ფელპსს რაღაც ჩასწორებულა.

„მე მას ვუთხარი, რომ ნაღდად აქვს შანსი გახდეს ამერიკის გმირი და ამაში წარმატება ვუსურვე“ — თქვა სპიცმა.

REUTERS ნიუბორტოვიდან



დიდება და სიყვარული

ცხადია, იცანით უგანთქმულესი მეხოვრე თჯახი. შტეფი ვრაფი ნიუბორტის ჩოვბურთის დიდების დარბაზში მიიღეს შტეფთან ედბურგთან და დორთთი ჩეინისთან ერთად, ანდრე აგასისგან კი ჯილდოდ კოცნა მიიღო. იქვე საჩვენებელ მატჩს ატარებს ბებური ჯონ მაკინროი, რომელსაც მზისგან იცავს მსაჯი დევიდ ჰაიდონი, აქაოდა, დასიცხულმა ბილწსიტყვაობა არ დაიწყოსო. მაკინროი, მოგეხსენებათ, ვინების დიდოსტატია.

REUTERS ნიუბორტოვიდან



LIGHT

კალგარიში მიმდინარე როდოტზე დიდი ძიები დიდ ხარებს აჯირითებენ, ბავშვებს კი ლაითი პროგრამა აქვთ. ხუთი წლის მასეთ უესლი კრაულოერი ცხვარზე ამხედრებულა, და მიაჭუნებს. კარვადაც გამოსდის. რომ გაიხრდება, უქქველად ხარზე გადაჯდება. ეს ჯეკლი მთელი წელი ელოდა პამპლონაში ხარების განთქმულ რბოლას. ახლა კი გარბის და ისე იხნიჭება, აშკარად ემინია, ხარმა უკანალზე არ მირქინოსო.



REUTERS კალგარიდან



REUTERS პამპლონაიდან

ბრკელი განელეს

ყველაზე მაღალი ჩინელი, ნბა-ში მოთამაშე იათ მინგი სამშობლოში ჩასულა და ასე ემზადება ამხანაგური მატჩისთვის ჩინეთსა და ბრაზილიას შორის. ამათ ვარდა, ტურნირში კანადა და ხორვატია მონაწილეობენ.



REUTERS ბეკინიდან

სარბიელი

საკორტული გაზეთი

გამოიცემა 1990 წლის 28 დეკემბრიდან

გამოდის ორგანოთს, სამგანათს, ოთხგანათს, ხუთგანათს, პარასკეპს და შაბათს

გამომცემელი ზურაბ ჯორჯაძეა დირექტორი ბიორბი ოქრომჭაფლიძე რედაქტორი თამაზ მიხრიაული რედაქტორის მოადგილე სოსო კოტორეიშვილი ტექნიკური რედაქტორი მამუკა გუბელაძე ჭართული ფეხბურთის რედაქტორი: დავით ერადე, დავით თავართ-ქილაძე, კობა ინასარიძე, პაატა კვანტალიანი, კახა შალამბერიძე უცხოური ფეხბურთის რედაქტორი: ვიოლასველიანი, ილია ბაბუნა-შვილი, გიორგი დარჯახია, გიორგი ვაშაყიძე, ლადო ხომერიკი, ვაჟა ხუციშვილი

ინფორმაციის რედაქციის რედაქტორი: ირაკლი ჯირაშვილი ინფორმაციის რედაქცია: ვია ახალაძე, ავთანდილ გურასაშვილი, ლევან კელაურაძე, ოთარ მაღლაკელიძე, ირაკლი პურტია ფოტორეპორტიორები: გურამ დოღუნჯაშვილი, ბადრი კეთილაძე სტილისტები: ნათელა ვიორგობიანი, ლალი გოხალიშვილი კომპიუტერული ცენტრი: ლია ბესელია, ხათუნა ბუხუნიშვილი, ელენე გელუტაშვილი, რუსუდან ერისთავი, ფატი დელიშვილი, მადამ დოვ-რამელი, ზვიად მოსიაშვილი, თენგიზ ფლოუზაძე, თამარ ქანჭკაძე, ზურაბ წერეთელი, ირმა ჯიშკარიანი

რედაქციის მისამართი: თბილისი, ალექსანდრე ყაზვბის გამზირი 42, II კორპუსი, IV სართული. საფოსტო მისამართი: თბილისი - 79, საფოსტო ყუთი 208. ტელეფონი: 39 48 29 ელექტრონული ფოსტა sarbieli@gol.ge ელექტრონული ვერსია <http://www.sarbieli.com.ge>